

جريدہ عدلیہ

۱۳۲۶ م ایلول

پار ۱۱

۱۴ رمضان ۱۳۲۸

نومبر ۱۱

برنجی سنہ

قِسْمَتِ رِیاضِ

توضیحات عدلیہ

مجدداً تشکیل اولئان معمورۃ العزیز ولایتی استیناف محکمہ سی اعضا لغتہ دگزلی سنجانی بدایت محکمہ سی جزا دائرہ سی رئیس خلیل خالص وقوزان سنجانی بدایت محکمہ سی جزا دائرہ سی رئیس عثمان وہبی افندیلرک، مجدداً تشکیل اولئان سیواس ولایتی استیناف محکمہ سی اعضا لغتہ سینوب سنجانی بدایت محکمہ سی جزا دائرہ سی رئیس علی رضا ولازستان سنجانی بدایت محکمہ سی جزا دائرہ سی رئیس عثمان نوری، ارضروم استیناف محکمہ سی اعضا سندن یوانا کی افندیلرک، مجدداً تشکیل اولئان طرابلس غرب ولایتی استیناف محکمہ سی اعضا لغتہ آماسیہ سنجانی بدایت محکمہ سی جزا دائرہ سی رئیس مسعود، بیروت استیناف محکمہ سی اعضا سندن نجیب فرعون افندیلرک، مجدداً تشکیل اولئان قسطنونی ولایتی استیناف محکمہ سی اعضا لغتہ آیدین سنجانی تجارت محکمہ سی رئیس مکتب حقوقدن مأذون شوکت، انطالیہ تجارت محکمہ سی رئیس سابق خالد رشدی، آنقرہ ولایتی مرکز بدایت محکمہ سی اعضا سندن آرام پرتو افندیلرک، مجدداً تشکیل اولئان قسطنونی ولایتی استیناف محکمہ سی اعضا ملازم لکنہ ایلبان سنجانی بدایت محکمہ سی اعضا سندن سعید



افنديك، ولايت مذكوره استيناف محكمه‌سی اعضاي منتخبه سابقه‌سندن ومجيز علمادن حاجي مؤمن افنديك، سينوب سنجاني بدايت محكمه‌سی جزا دائره‌سی رياسته ملغا ساقر تجارت محكمه‌سی رئيسي حامد بك، آمايه سنجاني بدايت محكمه‌سی جزا دائره‌سی رياسته سپروز سنجاني بدايت محكمه‌سی مدعي عمومي معاون ضياء الدين افنديك، قوزان سنجاني بدايت محكمه‌سی جزا دائره‌سی رياسته ملغا خداوندكار مركز تجارت محكمه‌سی رئيسي وصفي افنديك، سرفيچه سنجاني بدايت محكمه‌سی اعضالغنه مكتب حقوق اعلى درجه مأذونلرندن ترينده فيلوس افنديك، اكرى دره قضاسي بدايت محكمه‌سی مدعي عمومي معاونلكنه ملك قضاسي بدايت محكمه‌سی مدعي عمومي معاون احمد جذبي افنديك، استروجه قضاسي بدايت محكمه‌سی مدعي عمومي معاونلكنه مكتب حقوق اعلى درجه مأذونلرندن على افنديك، آيدن سنجاني تجارت محكمه‌سی رياسته ملغا سپروز سنجاني تجارت محكمه‌سی رئيسي عثمان صائب بك، اداره‌سنة عائد اوچموز يكرمى بش سنه‌سی ظرفنده‌كى اعلامات جزاينه‌دن نصفى محكمه تميزجه نقض اولمى حسييله تشكيل محاكم قانونك قرق طقوزنجي ماده‌سی علاوه‌سی احكامنه توفيقاً صاروخان سنجاني بدايت محكمه‌سی رئيسي خليل شعبان افنديك عزيله لوى مذكور بدايت محكمه‌سی رياسته كوتاهيه سنجاني بدايت محكمه‌سی مدعي عمومي معاون فرید افنديك، كوتاهيه سنجاني بدايت محكمه‌سی مدعي عمومي معاونلكنه اوده مش قضاسي بدايت محكمه‌سی جزا دائره‌سی رئيسي خيري افنديك، اوده مش قضاسي بدايت محكمه‌سی جزا دائره‌سی رياسته ملغا بنغازي تجارت محكمه‌سی رئيسي حسين حسنى افنديك، بيروت ولايتي استيناف محكمه‌سی اعضا ملازمكنه ملغا تكفور طانغى تجارت محكمه‌سی رئيس سابقى مكتب حقوقدن مأذون صلاح الدين بك، ادرنه ولايتي استيناف محكمه‌سی اعضالغنه مناستر استيناف محكمه‌سی اعضاسندن حسن شكري افنديك، مناستر استيناف محكمه‌سی اعضالغنه ملغا مدلل تجارت محكمه‌سی رئيسي محمد امين افنديك، بيروت استيناف محكمه‌سی اعضالغنه ملغا جانيك تجارت محكمه‌سی رئيس سابقى پتراكى افنديك نقل و اتخابلرينه وتحويللرينه لزوم كوريلان ملك ورازلق بدايت محكمه‌لى جزا رئيسلرى سليمان سرى وعلى رضا بودكزلى وسينوب بدايت محكمه‌لى مدعي عمومي معاونلرى امين و داد و كامل افنديك اجراى بجابشلى خصوصنه اراده سنیه حضرت پادشاهى شرفتملق بيورلش ومومى اليهمدن محاف اوليانلر در دست تحليف بيولمشد.

تبلغات عجميه

مجلس عمومىك اجتماعنده قانونيتى تكليف اولمق اوزره جزا قانونك يوز آتمش آلتيجى ماده‌سى ذيلى مقامنه قائم اولمق اوزره تنظيم اولنان موقت ماده قانونيه صورتيدر .

هر كيم دائره عائده‌سندن رخصت استحصال ايتكمسزين ممالك عثمانيه‌ده باروت وساير اجزاي ناريه واسلحه ممنوعه وبونلره مخصوص فشنك اعمال ايدر ويا ممالك اجنيه‌دن ممالك عثمانيه باروت وساير اجزاي ناريه واسلحه ممنوعه وبونلره مخصوص فشنك ادخال ويا بونوع قنچيلغنه توسط ايلر ويا خود داخل ممالك عثمانيه‌ده برمحلدن ديكر محله قنچاق باروت وساير اجزاي ناريه واسلحه ممنوعه وبونلره مخصوص فشنك نقل وادخال ايدرايسه بونلر مصادره اولندقدن بشقه ايكي آيدن ايكي سنه‌يه قدر حبسه قونيور وبش ليرادن اللى ليرايه قدر جزاي تقدي آنور .

بلا رخصت بوقيل ممنوع فشنك واسلحه وباروت و اجزاي ناريه طاشيانلر وصاتانلر دخى بر ماهدن آلتى ماهه قدر حبس وبرليرادن اون ليرايه قدر جزاي تقدي اخذيله مجازات اولور . قانوناً اسلحه ممنوعه‌دن مقصد على الاطلاق اسلحه اميريه و حربيه ايله ناملوسى فشنك يتاغى داخل اولديغى حالده اون بش ساتيمتريه متجاوز روولوردر . ۱۹ شعبان سنه ۱۳۲۸ ل ۱۱ اغستوس سنه ۱۳۲۶

محكمه تميز مقرراتى

محكمه تميز هيئت عموميه‌سندن صادر اولان ۲۲ تموز سنه ۱۳۲۶ تاريخلى ۱۳۳۷ نومرولى اعلام صورتيدر :

« وعد ازدواجه ازاله بكر دعوالرنده مرور زمانك مبدأى ازدواجدن استنكاف

تاريخى اولديغنه دأثر »

درساعات استيناف محكمه‌سى جنحه دائره‌سنده تنظيم واعدا قلوب سيمكش قوچو ولدنيقولى جانبندن شرائط لازمه‌سى بالايف مدت قانونيه‌سى ظرفنده تميزاً تدقيق استدعا ايديان ۲۰ حزينان سنه ۱۳۲۶ تاريخ وايكوز سكسان نومرولى اعلام واوراق مفرعه‌سى باش مدعى عمومىك مأموريت بهيه‌سندن تبليغنامه سيله

برلشديرلرك محكمه تميزك هيئت عموميه سنده لدى التدقيق اعلام مذكورك اصرارى متضمن اولديني اتفاهله تحت قراره التقدن صكره تدقيقات لازمه اجراسنه ابتدار اولدى .

اعلام مذكورك خلاصه مالى دوريك بنت حاجيك وعد ازدواج ايله بکريخي ازاله و صكره ده المقدن استنكاف ايتديكي ادعا اولنان مستدعى قوجونك بداية اجرا قلنان محاکمه سى نتیجه سنده فعل واقعك يدى سنه اول وقوعه كلديكي مدعيه نك تحت اعترافنده اولسنه و فعل مذكورك تاريخ وقوعى مبدأ اعتباريله اره دن كچمش اولان مدتک مرور زمان حدينه بالغ اولديني اكلا شلمسهنه مبنی اصول محاکات جزائيه قانونك درتيوز سكرسان ايكنجى ماده سى موجبجه بوباده كى حقوق عموميه وشخصيه دعواسنك سقوطنه دائر بداية ويريلان اعلام مذبوره دوريك جانبندن استيناف ايدملكه اولبايده اجرا قلنان محاکمه و تدقيقات استينافيه نتیجه سنده تاريخ وقوعندن و ياخود اك اخير اولان معامله تاريخندن اعتباراً اوچ سنه صكره بالجله افعال تأديبيه حقه كى حقوق عموميه وشخصيه دعوازينك ساقط اوله جنى اصول محاکات جزائيه قانونك درتيوز سكرسان برنجى ماده سنده على الاطلاق محرر اولسنه وقانون جزانك ايكيوزنجى ماده سى ذيلك مندرجات و صراحتى ايجانبجده و عدازدواجله بالاغفال ازاله بكرك جزاني مستلزم جهتي اغفال ايديان قزى المامق كيفيتى اووب بناء عليه اشبو جرمك تاريخ تشكك و وقوعى امر مشروع تزوجندن استنكاف تاريخى ايدوكنه و ايشده بوصورتله قابل تأليف بولنان شوايكى ماده قانونيه يكدىكرينه مابين ومعارض كورلديكي تقدريده دخی قانون واصولك تعارض ايتديكي يرلرده قائده حكم و ايجاب قانونك ترجيح واختيارى لازمكلكه جكنه مبنی قرار واعلام مستأنف بهك بوجهتدن طولاي فسخيله بالتدقيق تاريخ استنكافك تعيين و اكاكوره ايفاي معامله اولنمى ضمننده اوراق دعوانك محكمه بدايته اعاده سى قرارى حاوى مقدما تنظيم واعطا قلنان اعلام استينافينك تميزاً نقض واعاده اولنمى اوزرينه بوكره جريان ايدن محاکمه و تدقيقات استينافيه نتیجه سنده قرار سابق استينافيه اصراره قرار ويرلديكنى متضمندر . تميز استندا نامه سنده مرور زمانك جرمك وقوعى تاريخندن بدأ ايدجكنه دائر اولان محكمه تميز قرارينه قارشو محكمه استينافيه جه استنكاف تاريخنك مرور زمانه مبدأ اتخاذ ايديله جكنندن بجله قرار اولده اصرار اولنمى مغاير قانون ايدوكنندن بجله اعلام اخير استينافينك دخی نقضى استندا اولنمش وتبليغنامه ده دخی مرور زمان مسائلنده جرمك وقوعى تاريخى مبدأ اتخاذ اولنه جنى حقه سبب موجبيه حاوى اولان محكمه تميز اعلامى دائره سنده كيفيتك يكيدن قرار قانونيه ربطى لزومه قارشو قرار سابقده اصرار اولنمى يولسر وقانونه مغاير و تميز استندا نامه سى مندرجاتى بوعبارله بجا ايدوكى بيانيله اعلام اخير مذكورك دخی نقضى لزومى كوسترلشدر .

ايجابى لدى المذاكره بومقوله و عدازدواجله ازاله بكر دعوازلنده و عدى عدم انجاذى جرم تشكيل ايله جكنه كوره بوباده كى مرور زمانك مبدأ ازدواجندن استنكاف تاريخى اولمى لازمكلكه جكنه مبنی محكمه استينافيه جه اتخاذ اولنان قرار يولنده و اصول وقانونه موافق صورتده اولوب تميز استندا نامه سى ايله مطالعه نامه مندرجاتى

غير وارد كورنمش ايدوكنندن رديله اعلام استينافى اخيرك تصديقه و يوز غروش اعلام خرجنك تعرفه و تعليمات مخصوصه سنه توفيقاً مستدعى تميز قوجودن استينافيه ۱۵ تموز سنه ۱۳۲۶ تاريخنده اكثريتله قرار ويرلدى

محكمه تميز هيئت عموميه سندن صادر اولان ۱ نيسان سنه ۳۲۶ تاريخى و ۳۴۸ نومرولو اعلام صورتيدر :

« حقه مشاهده مستند براخبار وقوع بوليان شخصك فاعل مشترك عدا ايدلسى و مظلونلردن برى طرفندن قاجيريلان توتونلرك ديكر مظلونك قاجيردنى كوستريلان توتونلردن بالتفريق اقتضا ايدن جزاي نقدينك اكاكوره حكمه ربطى لزومندن ذهول اولنمى نقض حكمى مستلزمدر »

تلعه سلطانيه سينجاني بدايت محكمه سى جزا دائره سندن ايكنجى دفعه اوله رق تنظيم و اعطا قلنوب آق كويلي محمد و چاكالى نوري طرفلردن شرائط لازمه سى بالايف مدت معينه قانونيه سى ظرفنده تميزاً تدقيقى استندا اولنان ۲۰ شباط سنه ۳۲۵ تاريخ والى يوز قرق درت نومرولو اعلام و متفرعاتى باش مدعى عمومليك مأموريت بهيه سنك ۲۵ مارت سنه ۳۲۶ تاريخى تبليغنامه سيله برلشديرلرك محكمه تميزك هيئت عموميه سنده بالتدقيق اعلام مذكورك مقدما استندا دائره سندن نقض اولنان قرارده ثبات و اصرارى متضمن اولديني اتفاهله تحت قراره التقدن صكره تدقيقات لازمه اجراسنه ابتدار قلندى .

اعلام مذكورك خلاصه مالى يذرلنده آلتش اوچ كيلوچاق توتون دردت اولنديني ادعاسيله مظلون عليهم اعلان مستدعى محمد ايله نورينك جريان ايدن محاکمه لرى نتیجه سنده مرقومانك مدعابه آلتش اوچ كيلو توتونه دردت ايدللكرى شهادات وضبط ورقه سى مندرجاتيله ثابت اولديغندن بجله رضى نظامنامه سنك قرق ايكنجى ماده سى موجبجه بهر كيلوسى قرق غروشدن بالغ اولديني ايكي بيك بشيوز يكرمى غروش جزاي نقدى ايله محكوميتلرى حقه مقدما تنظيم واعطا قلنان اعلامك اسباب قانونيه مبنی تميزاً نقض واعاده قلنمى اوزرينه بوكره اجرا قلنان محاکمه و تدقيقات نتیجه سنده مرقوماندن نورينك ينده بر چوال توتون دردت اولنمى و محمدك دخی توتوندن كلبورم ديمى و بالتحرى چايك قارشو جهتنده نورينك ينده بولنان چوالك عى اوله رق ديكر بر چوالك دخی بولنمى و مرقوم محمدك ليلاً محل مذكوره كشت و كذار ايلسى و بر كونه اسباب مقبوله درميان ايدم مامسى و اخبارات وضبط ورقه سى واحوال سائر دلالاتى ايله مذكور توتونلرك مرقومانك هرايكيسنك مشتركاً ماللى بولنديغنه قناعت وجدانيه حاصل اولمش ايدوكى بيانيله ماده مذكوره موجبجه مذكور المقدار جزاي نقدينك كندولرندن تحصيلنه قرار ويرلديكنى متضمندر .

لايحه تميزده مدعابه توتونلرك يذرلنده دردت ايدلديكنه دائر بر كونه اخبار و شهادت سبق ايتيوب آنجق رضى قوجيلرينك نوري يى بر دنك توتونه مسلح اوله رق تصادف ايتلمى اوزرينه تشهير سلاح ايتمش

ایسه ده انداخت ایتمکسزین بر چوال توتون بر اقوب فرار ایتدیکنه و محمد چاوشه دخی لیل کویری باشنده تصادف ایتدکلرنده نره دن کلدیکی سؤالنه قارشو توتوندن کلیورم کبی اقرارینه و صباحلین کویریه بر چاریک مسافه ده بردنک توتون بولدقارینه دائر ظن و احتمالی مبتنی و شائبه غرض و افترایه مبنی اولدینی جریان طبعیه پسندن آکلاشیلان افادات واقعه لرینک تدقیق و تأمل ایدلمکسزین مذکور قوچیلرک مدعی و شاهد صقتلریله وقوعو- لان افاده و ادعایرینه ابتداء محکومیتلری حقیقه کی قرار سابقه اصرار اولنسی مغایر قانون ایدوکندن بحثله اعلام اخیر استینافینک دخی نقضی استدعا ایدلدیکی کبی تبلیغنامه ده دخی نقض واقع اوزرینه طرفین تشکیل ایدیلرک تمیز اعلامنک قرائتی معقب طرفینک مدعیات و مطالباتی صوریلرک و اعلام سابق مالی و مندرجاتی قرائت و اعلام اخیر درج و تمیق و بونلردن متحصل اعلام منقوض قرار محکمه کی عباراتی متضمن اسباب و دلائل درج و تذبیریه اکتفا اولنهرق تمیز اعلامنده بر منوال محرر اعداد اولنان اسباب تقضیه اوزرینه بیان مدعا و مطالب ایللری طرفیندن استفسار و محکمه جده اشبو اسباب تقضیه نک تضمن ایدلدیکی نقاط اوزرینه مذاکره اجراییله اکا کوره اعطای قرار اولنق مقتضیات احکام قانونیه دن ایکن تمامیله مسکوت عنه بر اقلدینی مندرجات اعلامدن آکلاشلمش و معطی تمیز لایحه سی یو طریقاه وارد و بجا کورلمش اولدینی بیانیله اعلام اخیر مذکورک دخی نقض واقع اوزرینه اتخاذ قرار اولنق و او صورته ایضای معامله ایله اکال نقصان ایدلمک اوزره نقضی لزومی طلب ایدلمشدر .

ایجابی لدی المذاکره مظلونلردن محمدک اسباب محکومیتی مرقومک اثنای وقعه ده توتوندن کلیورم یولنده خارجاً واقع اولان افاده سنه منحصر اخباراتدن عبارت اولوب عندالحا که فعل مذکور ایکنار ایتمکده بولنان مزبور محمدک شو افاداتی امارات سائر انضمام ایتدکجه علیهنده دلیل قانونی تشکیل ایدمه جکی درکار ومع هذا مظلون نورینک بر اقلدینی توتوندن ماعدا بر چوال توتوندها بولنسی قچاقیلق فغانک ایکی شخص طرفندن ایقاعنی کوسترمکده و بوده توسیع تحقیقاتی ایجاب ایتدیرمکده بولنمش ایکن حقیقه مشاهده یه مستند بر اخبار وقوعبولیان محمدک دخی فاعل مشترک عدیه و مرقوم نوری طرفندن قچایریلان توتونلرک مزبور محمدک قچایردینی کوستریلان توتونلردن بالتفریق اقتضا ایدن جزای نقدیک اکا کوره حکمه ربطی لزومندن ذهول ایله بر منوال محرر قرار ویرلمسی مغایر اصول و قانون اولدینه دائر اولان استدعا دائره سنک نقضی مصیب و موافق قانون کورونمش ایدوکندن اصول محاکمات جزاییه قانوننک اوچیز قرق آلتنجی ماده سی منطوقنجه بو دائره ایضای معامله اولنق اوزره سالف الذکر اعلام اخیرک دخی تقضیه اوراق متعلقه سنک محکمه مذکوریه اعاده سنه وایکیوز غروش اعلام خرجنک تعرفه و تعلیمات مخصوصه سی موجبنجه ایلروده حقیق حقیقه جق طرفدن اخذینه ۱ نisan سنه ۳۲۶ تاریخنده متفقاً قرار ویرلدی .

محکمه تمیز هیئت عمومیه پسندن صادر اولان ۵ اغستوس سنه ۳۲۶ تاریخلی و ۳۰۰۰۰ نومرولی اعلام صورتیدر .

« هیئت حاکمه جبه تبدل وقوع بولدینی حاله ضبط سابقک قرائت ایدلامسی ویر
شاهدک شهادتی نتیجه دعویه مؤثر اولماسه بیله امر تحلیفک تعریفات قانونیه
دائره سنده اجرا ایدلامسی نقض حکمی مستلزمدر »

انقره ولایتی استیناف محکمه سی جزا دائره پسندن تنظیم و اعطا قلنان ۲۸ ربیع الاولی ۳۲۸ و ۲۵ نisan ۳۲۶ تاریخلی و ۳۰۹ نومرولی اعلام ایله اوراق متنوعه سی باش مدعی عمومیلک مأموریت علیه سنک نقض طلبی حاوی ۲۶ جاذی الاولی ۳۲۸ و ۲۲ مایس ۳۲۶ تاریخلی و بیک الی یوز اوتوز بر نومرولی تبلیغنامه ایله محکمه تمیز جزا دائره سنه کوندلرلمش و عائدیتی جبهتیه هیئت عمومیه جبه بالتدقیق اصراری محتوی اولدینی متفقاً تحت قراره آلمش اولمغه کافه اوراق دعوی مطالعه و تدقیق اولندی .

اعلام مذکورک مالی اوچیز یکریمی بش سنه سی مارتنک یکریمی یدنجی کونی یدلرنده قچاق تون در دست ایدلمسندن طولانی مرکز قضایه سوق ایتمکده اولدقاری توتون قچاقیلرندن منلا احمدک اثنای راهده کیفیت قتلندن طولانی جنایتله اتهام اولنان آیش قضاسی زاندارمه افراندن خلوصی و قتل مذکورده امر غیر مجبر اولنق فعلیه کذلک جنایتله متهم ضابطه مأموری جمال افندینک اجرا قلنان محاکمه لرنده خلوصینک قانون جزانک یوز یتیش دردنجی ماده سنه تطبیقاً اون بش و جمال افندینک یوزسکسان بشنجی ماده سنه توفیقاً اوچ سنه مدتلرله کورکه قونلرینه دائر مقدما ویریلان اعلام عندالتمیز هیئتک تبدیلیه تکریر محاکمه قاعده قانونیه سنه رعایت و شاهد حسینک تعریفات قانونیه دائره سنده استماع ایدلماش اولمسندن ناشی نقض اولنهرق اعاده قانمسی اوزرینه اخیراً جریان ایدن محاکمه نتیجه سنده هر نه قدر ایکنجی جلسه ده جلسه اولی ضبطی قرائت ایدلماش ایسه ده دیگر جلسه لرده کاملاً و دفعاتله قرائت ایدلمش و بنساء علیه محکمه جبه دعوانک هر جبهته اطلاع یولنده کی مقصد قانونی حاصل اولمش اولمسنه و بالجمله شاهدلر تعریفات قانونیه دائره سنده استماع ایدلمش و بوجهت ضبطنامه ده دخی مصرح بولنمش اولوب یالکز شاهد حسین حقیقه امر تحلیفک بوصورته اجرا ایدلدیکنک کوسترلماسی بر اثر ذهول اولوبوب سهوقلم نتیجه سی بولدینه و ذاتاً شاهد مرقومک شهادتی مجرمیت قرارنده قاله آلماش و نتیجه حکمه مؤثر بولنماش اولسی حسینیه ایستر تعریفات قانونیه دائره سنده تحلیف ایدلمش اولسون ایستر اولسون ذاتاً محکمه جبه کآن لم یکن حکمنده عد ایدلمش بولنسنه بناء حکم سابقه اصرار ایدلدیکندن عبارتدر .

مهملردن جمال افندی طرفندن ویریلان لایحه تمیزیه ده بر محکمه نک اعطا ایدلدیکی حکمنده اصرار ایتیمی جرمک ثبوت و عدم ثبوتی حقیقه کی دلائل نسبتنده قناعت وجدانیه خصوصه متدائر اولان خصوصاته جاری اولوب یوقسه اصول و احکام قانونیه یه عدم رعایت جبهتلرنده کی اسباب تقضیه یه اتباع ایدلمه مک

محکمہ تمیز قرارینی تدقیق دیمک اولہ جفی درکار ایکن بونقطہ مهمہ نظر دقتہ الخیہرق حکم سابقہ اصرار ایدلمش و بناء علیہ نقض واقع دائرہ سندنہ ایفای معاملہ ایدلمش اولدیغندن بحثله اعلام مذکورک نقضی استدعا قلمشدر .

مذکور تبلیغنامہ دخی نقض واقع دائرہ سندنہ ایفای معاملہ ایدلمش حکم سابقہ اصرار ایدلمش مخالف قانون بولمش و لایحه تمیزیہ درمیان اولنان اعتراضات بو طریقہ وارد و بجا کورلمش اولدینی بیانیہ اعلام مذکورک نقضی طاب اولمشدر .

اوراق دعوانک مطالبه سندنہ صکرہ تدقیقات تمیزیہ اجرا اولندہ ہرہانکی قسم محاکمہ ہیئت حاکمہ جہ تبدل وقوع بولورسہ محاکمہ سابقہ ایفای اطلاع ایچون ضبط سابقہ قرائی لوازم قانونیہ دن اولوب عکسی حال نقضی مستلزم اسباب قانونیہ دن اولدینی و بوجہ تعلق ایدن نقض واقع بواساسہ مبتی بولندینی حالہ ہیئت حاکمہ محاکمات سابقہ مطلع اولدینی بیانیہ بونقطہ و برده شاهد حسینک شہادت نتیجہ دعویہ مؤثر اولسہ بیلہ شہودک ہر حالہ امر تحایفک اصول محاکمات جزائیہ قانونک ایک یوز آلمش سکنزنجی مادہ سنک تعریفاتی دائرہ سندنہ ایفای لزومہ قارشو اسباب غیر مقبولہ سردیلہ حکم سابقہ اصرار ایدلمش مقصد قانونہ مخالف بولمش و لایحه تمیزیہ عطفاً تبلیغنامہ محرر مطالعہ وارد و بجا کورلمش اولدیغندن اصول محاکمات جزائیہ قانونک اوچوز اون دردنجی مادہ سنہ توفیقاً اعلام اخیر مذکورک دخی بوسیدلردن دولانی نقضیہ احکام قانونیہ دائرہ سندنہ ایفای معاملہ ایدلمک اوزرہ اوراقنک محلہ اعادہ سنہ وایکی یوزغروش اعلام خرچنک ایلرودہ حقسنز چیقہ جق طرفدن تحصیلنہ ۱۷ حزیران سنہ ۳۲۶ تاریخندہ متفقاً قرار ویرلدی .

محکمہ تمیز استدعا دائرہ سندنہ صادر اولان ۲۸ مارت سنہ ۳۲۶ تاریخلی و ۳۱۳ نومرولی اعلام صورتیدر:

« ضبط ورقہ سندنہ امضاری بولان کسانک حضور محکمہ کی بیانلری ایلہ ورقہ مذکورہ مندرجاتی پیندہ مہایت بولندینی حالہ ضبط ورقہ سنی تنظیم ایدن مأمورک جلبہ مواجہہ لرینک اجراسی مقتضی بولندینہ و اورماندن وقوع بولان قطعیات احتیاجات ضروریہ نک دفعی مقصدینہ مستند اولدینی صورتہ کورہ اورمان اداره سنہ معلومات ویرلہرک استحصال رخصت اولنق لازم اولدینہ دئر »

بولی سنجانی بدایت محکمہ سی جزا دائرہ سندنہ تنظیم واعطا قلنان ۱۲ کانون ثانی سنہ ۳۲۵ تاریخ ویدی یوز اوتوز یدی نومرولی اعلام استینافینک تمیزاً تدقیق طلبی حاوی لواء مذکور اورمان اداره سی جانبندن معطی استدعا نامہ واوراق متفرعہ سی باش مدعی عمومیک مأموریت بہیہ سندنہ باتبلیغنامہ ۲۷ مارت سنہ ۳۲۶ تاریخندہ محکمہ تمیز استدعا دائرہ سنہ تودیع اولمش ولدی التدقیق مذکور استدعا نامہ نک مدت قانونیہ سی ظرفندہ ویرلہیکی اکلشلمش ایدو کندن بالقبول تدقیقات تمیزیہ اجرا سنہ ابتدار اولندی .

اعلام مذکورک خلاصہ مالی میری اورمانندن بلا رخصت اشجار قطع ایتدکلی ادعا قلنان قووانوز اوغلی محمد ایلہ معلوم الاسامی رفقا سنک کراستہیہ الویریشلی اغاچ قطع ایتدکلی ثابت اولہ مادیکی کبی اورمان اداره سی جانبندن طوتیلان ضبط ورقہ سندنہ اسملری محرر اشخاصک اولبابدہ کی ورقہ یی مندرجاتنہ کسب اطلاع ایتدکسزین تختم ایتدکلی اکلشلدیغندن وشو حالہ ضبط ورقہ سنک عکسی ثابت اولدیغندن بحثله برائسرنہ دائر تنظیم واعطا قلنان اعلام ابتدائینک عندالاستیناف موافق قانون ایدوکی بیانیہ تصدیقہ قرار ویرلہیکی متضمندر .

لایحه تمیزیہ اورمانلردن قطع و اخراج اولنہ جق ہر نوع اشجارک رخصت رسمییہ مستند اولسی اورمان نظامنامہ سنک طقوزنجی مادہ سی احکامندن ایکن بدایت محکمہ سنجہ شہود مستمعہ لک کراستہیہ غیر صالح دینلان اشجارک رخصت رسمییہ حائر اولوب اولمادیقی تدقیق ایدلمش و بو جہت استینافاً دخی درمیان قلندینی حالہ نظر اعتیایہ المنقیزین حکم ابتدائینک تصدیقی جہتہ کیدلمش اولمسنک مخالفت قانونیہ سندنہ بحثله اعلام استینافینک نقضی استدعا اولمش تبلیغنامہ دخی استیناف دعوائی متضمن اولان ۹ تشرین ثانی سنہ ۳۲۵ تاریخلی استدعا نامہ اعتراضات استینافیہ سی حاوی اولسہ مندرجاتی حقندہ طرفینک ادعا ومدافعاتی بالاستماع ہر برینک تدقیق ورد ویا قبولی متضمن اسباب موجبہ قانونیہ نک قرار مخلندہ توضیحی لازمہ قانونیہ دن ایکن محکمہ مذکورہ جہ مندرجاتی اعلامہ درج اولنامہ برابر برکونا اسباب فسحیہ درمیان ایدلمدیکی تعبیر مجملیہ اکتفا قلنہرق حکم اولک تصدیقہ قرار ویرلہسی مخالف قانون و لایحه تمیزیہ دہ محرر اعتراضات بوضوطلہ وارد ایدوکی بیانیہ اعلام مذکورک نقضی لزومی کوسترلمشدر .

ایجابی لدی المذاکرہ مندرجات اعلامہ نظراً درجہ اولی محکمہ سنجہ سبق ایدن محاکمہ اورمان اداره سی وکیلی جانبندن ابراز ایدیلان ضبط ورقہ سندنہ امضاری بولنوب جلب واستماع اولنان شہودک مذکور ورقہ مندرجاتی تعلیل ایدر صورتہ بیانادہ بولملری اوزرینہ اساساً ورقہ مذکورہ یی تنظیم و تختم ایدن اورمان مأمورلرینک دخی جلب اولنہرق شہود مرقومہ ایلہ مواجہہ لرینک اجراسی مقتضی اولوب چونکہ شہود مستمعہ نک افادات شفاهیہ لرلہ ضبط ورقہ سی محتویاتی پیندہ کوریلان مہایت یا کندولرینک کتم شہادتہ بولمش و یا خود ضبط ورقہ سنک مأمورین مومی الیہم جانبندن خلاف حقیقت اولہرق تنظیم ایدلمش اولسی کبی ہر ایکسی مجازات قانونیہ یی مستلزم احوالدن برینک شو مسئلہ دہ موجودیتی کوسترمکدہ اولسہیلہ تحقیقات حاضرہ نک صور محررہ دائرہ سندنہ توسیعنہ مصلحہ احتیاج صحیح حاصل اولمش ایکن محکمہ بدایتک شو احکام قانونیہ یی توفیق معاملہ ایتہ مسندن ناشی اولبابدہ کی حکمک نقصان تدقیقاتہ استنادی نقطہ سندنہ عندالاستیناف فسحی امور لازمہ دن اولدینی و بنابرین محکمہ نک ذہابی وجہلہ قطعیات واقعہ نک احتیاجات ضروریہ نک دفعی مقصدینہ مستند اولدینی صورتہ کورہ دہ اوچنجی جلد دستورک ایک یوز سکسان بشنجی عقیقہ سندنہ مندرج تعلیمات محتویاتنہ نظراً بو بایدہ اورمان اداره سنہ معلومات ویرلمک و استحصال رخصت

اولمق مقتضى بولندينى حالد محكمه استينافيه جه شو خطيات و نواقص قانونيهك موجوديته قارشو حكم ابتدائيك اصابتى بالبيان تصديق ايدلسى يولسز ومغاير اصول وقانون اولوب لايحه تميزيه محتوياتى بوصورته وارد وبجا كوردنكندن اصول محاكمات جزائيه قانونيك ارچ يوز اون دردنجى و اوچيوز اون طقوزنجى ماده لرى موجبجه اعلام استينافينك اسباب محرردن ناشى تقضيله احكام قانونيه دائره سنده ايفائى معامله اولمق اوزره اوراق متعلقه سنك محكمه مذكوره اعاده سنه وايكى يوز غروش اعلام خرجك تعرفه وتعليمات مخصوصه سنه توفيقاً ايلروده حقسز حيقه جق طرفدن استيفاسنه ۲۸ مارت سنه ۳۲۶ تاريخنده متفقاً قرار ويرلدى.

محكمه تميز استندا دائره سندن صادر اولان ۲۰ مارت سنه ۳۲۶ تاريخلى و ۱۹۶ نومرولى اعلام صورتيدر :

« تدقيقات تميزيه اجرائى ايچون تميزي طلب اولنان اعلامك اصلى ويا صورت مصدقه سى ويا خود هيئتك امضاسنى حاوى ضبط ورقه سى ويا صورتى مربوط اولمق مقتضى اولديغه دائر »

منع حريق نظامنامه سنه مخالف حر كنده بولندينى ادعا قلنان سيد بن سليمان آغانك برائته دائر در سعادت بدايت محكمه سى برنجى جزا دائره سندن تنظيم واعطا قلنان ۱۰ كانون ثانى سنه ۳۲۵ تاريخلى اعلامك تميزاً تدقيقى طلبنى حاوى محكمه مذكوره مدعى عمومىلكى جانبندن معطى استدعاناوه واوراق متفرعه سى باش مدعى عمومىلك مأموريت بهيه سندن بابتليغنامه ۱۸ مارت سنه ۳۲۶ تاريخنده محكمه تميز استندا دائره سنه توديع ايدانككه لى التدقيق تميزي طلب اولنان اعلامك اصلى ويا صورت مصدقه سى ويا خود هيئت محكمه سنك امضاسنى حاوى ضبط ورقه سى ويا صورتى مربوط اولمق مقتضى اولدينى حالد اوراق مياننده حكى حاوى اعلام موجود اولماديني كى محاكمه ضبطنامه سى دخى هيئت حاكمه سنك امضاسندن عارى بولندينى بالتدقيق آكلاشلمش و بناء عليه تدقيقات تميزيه اجراسنه صالح برحكم غير موجود بولشمش اولديغندن ذكر اولنان تميز استدعاناوه سنك بوجهندن طولاني ردينه ۲۰ مارت سنه ۳۲۶ تاريخنده متفقاً قرار ويرلدى .

محكمه تميز استندا دائره سندن صادر اولان ۲۱ نيسان سنه ۳۲۶ تاريخلى و ۵۸۲ نومرولى اعلام صورتيدر :

« محكمه استينافيه جه مقررات ابتدائيه نسخ ايله تعديل ايدليكى حالد خصوصات سائر هه قياساً تكرير محاكمه لى لزوم اولمادينه دائر »

قوصوه ولايتى مركز بدايت محكمه سى جزا دائره سندن تنظيم واعطا و ۱۰ شباط سنه ۳۲۵ تاريخنده

امرتهميى اجرا قلنمش اولان ۱۴ مارت سنه ۳۲۶ تاريخ وييك بش يوز التمش بش نومرولى اعلام استينافيك تميزاً تدقيقى طلبنى حاوى محكمه مذكوره مدعى عمومى معاونلكى جانبندن معطى استدعاناوه اوراق متفرعه سيله برلكده باش مدعى عمومىلك مأموريت بهيه سندن بابتليغنامه ده ۲۰ نيسان سنه ۳۲۶ تاريخنده محكمه تميز استندا دائره سنه توديع ايدانككه لى التدقيق مذكور استدعاناوه مدت معينه سى ظرفنده اعطا قلندينى اكلاشلمغله بالقبول تدقيقات تميزيه اجراسنه ابتدار اولندى .

اعلام مذكورك خلاصه مالى رادويشته قضاسى قائم مقامى سليمان حكمت و ژاندرمه بلوك قوماندانى يوز باشى عابدين افنديلى اجرا ايتدكلى حكم مأموريتلرندن دولايى تحقير ايتديكى ادعاسيله مظنون عليه اولان على شوق افندى بن زهدينك قانون جزائى يوزاون ايكنجى ماده سى حكمنه توفيقاً و عابدين افندى بن تحقير ايتسنك سبب شدت عدليه اون كون حبسنه دائر لاحق اولان حكم ابتدائى اعلامى مرقوم جانبندن استيناف ايدلسى اوزرينه سبق ايدن محاكمه و تدقيقات استينافيه نتيجه سنده مستأنف مرقومك بدايه دخى درميان ايتديكى وجهله قائم مقام ايله يوز باشينك ذات ومأموريتلرينه عائد اوله رق بركونا حقارتده بولمنايوب انجق املاكى حقدده دوچار اولدينى معامله كن كندوسنجه موجب مغدوريت كورلمسندن ناشى مخالف عدالت عد ايتديكى ومخالف عدالت اولان برحالك استبداد ديوتوصيفنده باس كوريله ميوب واستبداد ومخالف وجدان كى سوزلرك شخصه مخصوص اولمنايوب مصلحته بناء اثر يأس اوله رق يازلمش اولديغنى بيان ايتمش و تدقيقات واقعه يه كوره الفاظك صورت استعمالى وموقعلى شخصيت اعتباريله استعمال ايدليكنه دلالت ايتيوب سوق مصاحته ومقصد شكايته يازلمش اولديغنه دلالت ايدرك برشين مقصد نه ايسه حكم اوكا كوده اوله جنى معلوم وقصد ايسه امر وجدانى برشى اولوب بونك وجودينى مثبت احوال دخى موجود اولمادىغندن وبوصورته سبق ايدن شكايات جرمندن معدود بولمنايغندن بجهله اعلام ابتدائيك فسخييه مومى اليه على شوق افندينى عدم مسؤليتته قرار ويرليكنى متضمندر .

لايحه تميزيه ده محكمه استينافيه جه مستأنف على شوق افندى به اسناد اولنان فعل جرم تشكيلى ايدليكى نقطه سندن فسخ ايدلمش و بوده تكرير محاكمه سى مستلزم اسباب جمله سندن بولشمش اولسنه كوره اصول محاكمات جزائيه قانونيك يوز طقسان يدنجى ماده سى منطقجه درجه ثانيه ده اتخاذ حكم ايچون محاكمه سنك تكرارى و طرفينك بوبابده كى ادعا و مدافعاتنك استفسارى ايله كيفيتك رأساً قراره ربطى لازم كلورك . ذكر اولنان حكم ابتدائيك فسخى متعاقب بلا محاكمه عدم مسؤليت قرارى و يرلسى يولسز ومغاير قانون ايدوكندن بجهله اعلام استينافينك تقضى طلب ايدليكى كى تبليغنامه ده دخى مظنون عليه شوق افندى طرفندن استينافاً بلا سبب قانونى ترلاسنك ضبط اولمسندن ناشى تظلم حال ضمننده سائقه يأس ايله تحرير و قائم مقام ايله ژاندارمه بلوك قوماندانته اعطا ايدليكى استدعاناوه سنده كى بعض الفاظك تحقير مقصديله يازلدينى ادعاسيله بدايه خلاف قانون محكوميتى جهته كيدايكنه دائر سرد ايديلان اعتراضات اوزرينه محكمه جه مدعى عمومىلكك

مطالعہ سنک استفساریہ و مومی الیہ شوق افندیکنک املاک حقدہ دوچار اولدینی معاملہ نک کند و سنجہ موجب مغدوریت اولسی اعتباریہ مایوس و متأثر اوله رق معاملہ واقعہ بی استبداد و مخالف وجدان کی سوزلرله توصیف ایتکدن عبارت اولدینی و جرمدن معدود بولمادیغی بیانیہ اعلام ابتدائی مذکورک فسخیله موی الیهک عدم مسئولیتہ قرار ویریلهرک اصول محاکمات جزائیہ قانوننک یوز طقسان یدنجی ماده سی منطوقنجه تدقیقات و محاکمات اجراسیلہ تحصیل ایدہ جک حالہ کورہ اعطای قرار اولنق مقتضی ایکن بلا محاکمہ برمنوال محرر بعض مطالعات ایرادیله عدم مسئولیت قراری اعطاسی مخالف قانون بولنش اولدیغنه دائر لایحه تمیزیه ده سرد ایدیلان اعتراضات مندرجات اعلامه نظراً غیر وارد اولوب مستلزم نقض اولمادیغندن بحتله مذکور تمیز استدعای سنک ردی لزومی مرقم بولنشدر.

ایجابی لدی المذاکرہ مندرجات اعلامدن مستبان اولدینی اوزره محکمہ استینافیه جه مظنون علی شوق افندیکنک حرکت مسروده سی مستلزم جزا افعالندن کوریلہ میهرک تمديد جزاسنی متضمن اولان اعلام ابتدائیک فسخیله عدم مسئولیتہ قرار ویرلش اولسنه و اصول محاکمات جزائیہ قانوننک یوز طقسان دردنجی ماده سنک صراحتی اقتضاسنجه محکمہ استینافیه جه احوال مماثلہ ده مقررات ابتدائیہ فسخ ایله تعدیل ایدلیکی حالہ خصوصات سائرہ یه قیاساً تکریر محاکمہ لزوم اولمادیغی بدیهی بولنسنه نظراً بو جهته متدائر اولان لایحه تمیزیه مؤداسی غیر وارد اولوب انحق مومی الیه علی شوق افندیکنک معارف نظارتنه ارسال ایدلیکی عرضحالده قائم مقام قضا سلیمان حکمت بک ایله ژاندارمه بلوک قوماندانی عابدين افندیکنک حسب الوظيفه اجرا ایدلیکری معاملاتدن دولای قدر و ناموس لری نه نقیصه ویرہ جک و تحقیری تضمن ایدہ جک الفساض و تعییرات استعمال ایدلیکی عندالحاکمہ ثابت اوله رق شو فعل و حرکتک قانوناً مستلزم جزا اولسی حسبیلہ بدایه حبسی حقدہ لاحق اولان حکمک عندالاستیناف احکام قانونیه ایله غیر قابل تألیف مطالعاته بناء فسخیله بوجه محرر عدم مسئولیت قراری ویرلشی یولسر و مغایر اصول وقانون اولوب لایحه تمیزیه محتویاتی انحق شو وجهله وارد و بجا کورندکندن اصول مذکورک اوچیوز اون دردنجی و اوچیوز اون طقوزنجی ماده لری منطوقنجه اعلام استینافنک اسباب محرره دن ناشی نقضیلہ احکام قانونیه دائره سنده ایضای معاملہ اولنق اوزره اوراق متعلقه سنک محکمہ تحلیله اعاده سنه وایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسز حقیقه جق طرفدن استیفا سنه ۲۱ نیسان سنه ۳۲۶ تاریخده متفقاً قرار ویرلدی

محکمہ تمیز استدعا دائره سنندن صادر اولان ۲۹ مارت سنه ۳۲۶ تاریخ و ۳۸۱ نومرولی اعلام صورتیدر:

« هیئت حاکمہ نک تقدیر شهادات اسرندہ کی حق قانونی شهودک حضور محکمہ ده اجتماع ایدلش اولسی قبیلہ منروط بولنسنه کورہ شهوددن برینک قبل الاستماع تقدیر شهادتی صورتیلہ جلبندن صرف نظر ایدلش اولسی نقض حکمی مستلزمدر »

سیواس ولایتی استیناف محکمہ سی جزا دائره سنندن تنظیم و اعطا و ۱۸ شباط سنه ۳۲۵ تاریخده امر تفهیمی اجرا قلمش اولان ۲۸ شباط سنه ۳۲۵ تاریخ و درتیوز الی سکز نومرولو اعلامک تمیزاً تدقیقی طلبی حاوی محکمہ مذکورہ مدعی عمومیلکی جانبندن معطی استدعای اوراق متفرعه سیله برلکده باش مدعی عمومیلک مأموریت بهیه سنندن باتلیغنامه ۲۷ مارت سنه ۳۲۶ تاریخده محکمہ تمیز استدعا دائره سنه تودیع اولنغله ولدی التدقیق مذکور استدعای نک مدت معینہ سی ظرفده اعطا قلدینی آکلاشیلغله بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی علی اوغلی ولی و مخدومی ابراهیمی ضرب و جرح ایدلیکی ادعاسیلہ مظنون علیهما اولان ولی اوغلاری الیاس وعلینک اجرا قلدن محاکمہ لری نتیجه سنده مظنون مرقوماندن الیاسک قانون جزانک جزانک یوزیش طقوزنجی ماده سی حکمنه توفیقاً برهفته حبسنه و فعل مذکورده مشارکتی ثابت اولامایان علینک برائتہ دائر لاحق اولان حکم ابتدائی اعلامی مرقوم الیاس جانبندن استیناف ایدلشی اوزرینه سبق ایدن محاکمہ و تدقیقات استینافیه نتیجه سنده اعلام ابتدائی مذکورک اسباب قانونیه دن طولای فسخیله مرقومک فعل مذکورہ مجاسرتی حقدہ مدار حکم برکونا اسباب ثبوتیه و دلائل قانونیه اقراران ایدیلہ مدیکندن بحتله مرقومک برائتہ قرار ویرلکیکی متضمندر .

تمیز استدعای سنده محکمہ استینافیه جه اخیراً جلب و استماع اولنان شاهدلرک عدم معلومات بیان ایللری بدایت محکمہ سنجه موجب محکومیت کورلش اولان اسباب و دلائل قانونیه یی تغییر و تعلیل ایدن مواددن اوله میه جنی جهته برائتی ایجاب ایتدیره میه جکندن و سبب برائت استینافاً استماع اولنان شهودک عدم معلوماتنه ابتنایلہ حکم سابقه اساس اولان مذکور دلائل و امارات مسکوت عنه بر اقلدیغندن بحتله اعلام استینافی مذکورک نقضی طلب ایدلیکی کی تبلیغنامه ده دخی ذکر اولنان استدعای سنده درمیان اولنان اعتراضات نقضی موجب اسبابدن کوریلہ مامش ایسه ده شاهدلردن تیورجی ارتینک بیان معلومات ایتسه بیله حکم ایچون کافی اوله میه جنی بیانیله قبل الاستماع معلوماتنک عدم کفایتنک تقدیر و بوکا مستنداً جلبندن صرف نظر ایدلشی مغایر قانون و نقضی مستلزم اسبابدن اولدینی بیانیله اعلام مذکورک نقضی لزومی مرقم بولنشدر .

ایجابی لدی المذاکره اوراق متعلقه مندرجاتندن استنباط اولدینی اوزره درجه اولی محکمہ سنجه بعض شهودک استماع ایدله سنندن ناشی عند الاستیناف حکم ابتدائیک فسخیله شهود مرقومه نک جلب و استجوابی

تحت قراره آئینش اولمسه و هیئت حا که نک تقدیر شهادت امرنده کی حق قانونیسی شهودك حضور محکمه ده استماع ایدلمش اولمسی قیدیه مشروط بولمسنه کوره شهود مرقومه دن تیمورجی آرتینک قبل الاستماع تقدیر شهادتی صورتیه جلبندن صرف نظر ایدلمش اولمسی تبلیغنامه ده دخی کوسترلیدیکی اوزره یولسز ومغایر اصول وقانون اولوب تمیز استدعاینامه سی محتویاتی بوجهله وارد و بجا کورندیکندن اصول محاکات جزایه قانونک اوچوز اون دردنجی و اوچوز اون طقوزنجی ماده لری منظوقجه اعلام استینافینک بوسیددن طولای تقضیه احکام قانونیه دائره سنده ایفای معامله اولنق اوزره اوراق متعلقه سنک محکمه محلیه عاده سنه وایکیوزغروش اعلام خرجنک تعرفه وتعلیمات مخصوصه سنه توفیقاً ایلروده حقسز چیه حق طرفدن استیفا سنه ۲۹ مارت سنه ۳۲۶ تاریخده متفقاً قرار ویرلدی .

محکمه تمیز استدعا دائره سندن صادر اولان ۷ نیسان ۳۲۶ تاریخی و (۴۰۶) نومرولی اعلام صورتیدر :

« ضبط ورقه لرینک مشاهده مستند بر اخباری متضمن اولی لازم اولدینه دائر »

جزایر بحر سفید ولایتی استیناف محکمه سی جزا دائره سندن تنظیم واعطا قلنان ۲ شباط سنه ۳۲۵ تاریخی و یوزاللی طقوز نومرولی اعلامک تمیزاً تدقیقی طلبی حاوی ولایت مذکوره اورمان اداره سی جانبندن معطی استدعاینامه واوراق متفرعه سی باش مدعی عمومیک مأموریت بهیه سندن تبلیغنامه ۶ نیسان سنه ۳۲۶ تاریخده محکمه تمیز استدعا دائره سنه تودیع اولمش ولدی التدقیق مذکور استدعاینامه نک مدت معینه قانونیه سی ظرفده اعطا قلندی اکلشلمش اولمغه بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی ردوسک اپولوز قریه سی جوارنده واقع میری اورمانلرندن اشجار قطع ایلدکری ادعا اولنان یا قو واسیل واستباط ایله واسیل خرسنونک مذکور اورماندن اغاچ قطع ایلدکری اصولاً ثابت اولمه مادیغندن بخله برائت لرینه دائر بدایه ویریلان اعلام اداره مذکوره وکیل جانبندن استیناف ایدلمکله اولبابده اجرا قلنان محاکمه وتدقیقات استینافیه نتیجه سنده بدایه جریان ایدن محاکمه اصول محاکمه موافق ولاحق اولان حکم دخی اسباب قانونیه مبتی اولوب وکیل مومی الیه جانبندن برکونه اسباب فسخیه درمیان اولمه مادیغی بیانیله حکم ابتدائینک تصدیقه قرار ویرلیدیکی متضمندر .

تمیز استدعا نامه سنده مدعا به اورمانلرک مظنونلرک قریه لرینه قریبی و تملک ادعا سنده بولمالری حسیله خارجدن هیچ برکیمسه نک قطعیات اجراسنه جسارت ایده میوب مرقومونک قطع ایلدکری اشجار مذکوره نک ترلا وماندیره لری اتصالنده محفوظ بولندیغنک مشاهده اولمسی دلالتی وضبط ورقه سی مندرجاتی ایله ثابت ایکن قریه لری اهالی سندن مرقومونی تصاحب ایدن وکندولرینه قریب لری بولنان کسانک شهادت لرینه بناء برائت لرینه دائر بدایه ویریلان اعلامک عند الاستیناف تصدیق اولمسی مغایر قانون ایدو کندن بخله اعلام

استینافینک نقضی استدعا اولمش تبلیغنامه ده دخی تمیز استدعاینامه سنده اعلام مذکورک نقضی حقنده سردایدیلان اعتراضات اعلامده مندرج اسباب موجبیه نظراً غیروارد اولوب مستلزم نقض اولمادیغندن بالبحث مارالذکر تمیز استدعاینامه سنک ردی لزومی کوسترلمشدر .

ایجابی لدی المذاکره مندرجات اعلامدن استنباط اولندیغی اوزره میری اورمانندن بلا رخصت اشجار قطع ایتک ماده سیله مظنون اولان واسیل ایله محررالاسامی رفقاسنک فعل مذکوره جرأت لرینی مثبت اولمق اوزره عندالحاکمه اورمان اداره سی وکیل جانبندن ابراز اولنان ضبط ورقه سی مشاهده مستند بر اخباری متضمن اولمایوب احتمالاته مطوف اولمسه نظراً مدار حکم اولور بر مزیت قانونیه حائز اولمادیغی کبی وکیل مومی الیهک صور سائر ایلده اثبات مدعا ایدمه مش اولماسندن ناشی بدایه لاحق اولان برائت قرارینک عند الاستیناف تصدیق اولمسی یولنده اصول وقانونیه موافق بولمش ولایحه تمیزیه ده درمیان اولندیغی وجهله اشجار مقطوعه نک مظنونلرک ترلا لری قریبده بولماسی دلائل سائر منضم اولمقسزین اثباته کافی اماراتدن معدود اوله مایه جفی جهته کرک بوخصوصه وکرک ضبط ورقه سی محتویاتنک علیهلرنده دلیل تشکیل ایلدیکی حالده نظر دقتیه المادیغنه دائر سرد و بیان اولنان اعتراضات دخی اسباب مذکوره یه وعلی الخصوص تقدیراته تعلقه بناء غیروارد کورنمش اولدیغندن اعتراضات واقعه نک ردیه اعلام استینافینک تصدیقه و یوز غروش اعلام خرجنک تعرفه وتعلیمات موضوعه سی موجبجه حقسز چیقان اورمان اداره سندن استیفا سنه ۷ نیسان سنه ۳۲۶ تاریخده متفقاً قرار ویرلدی .

محکمه تمیز استدعا دائره سندن صادر اولان ۷ مارت سنه ۳۲۶ تاریخی و ۱۹۵ نومرولو اعلام صورتیدر :

« مرور زمان مسائلنده مبدأ ومنتها تاریخ لرینک شهود عربیه اوله رق قرار محلده

کوسترلیمسی و جلبنه لزوم کورینان شهوددن دعوته اجابت ایتمانلرک افاده لرینه

مراجعتدن صرف نظر ایدلمش اولمسی نقض حکمی مستلزمدر »

در سعادت استیناف محکمه سی جنجه دائره سندن تنظیم واعطا ۲۲ کانون اول سنه ۳۲۵ تاریخده امر تقهیمی اجرا قلنان ۱۰ شباط سنه ۳۲۵ تاریخی اعلامک تمیزاً تدقیقی طلبی حاوی دیون عمومیه اداره سی جانبندن معطی استدعاینامه واوراق متفرعه سی باش مدعی عمومیک مأمورت بهیه سنک ۲۳ شباط سنه ۳۲۵ تاریخی تبلیغنامه سی ایله محکمه تمیز استدعا دائره سنه تودیع اولمش ولدی التدقیق مذکور استدعاینامه نک مدت قانونیه سی ظرفده ویرلیدیکی آکلشلمش ایدو کندن بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی رخصتسز مسکرات فروخت ایتدیکی ادعا قلنان آوستریا دولتی تبعه سندن موسیو فریچ حقنده کی حقوق عمومیه دعواسنک مرور زماندن طولای سقوطنه دائر بدایه ویریلان اعلام

ديون عموميه اداره سى جانبندن استيناف ايدلسى اوزرينه جريان ايدن تدقيقات و محاكمه نتيجه سنده مظنون مرقومك ۱۱ كانون ثانی سنه ۳۲۰ تاريخنده رخصت مسكرات فروخت ايتسندن طولاني ژورنال ۲۶ مارت سنه ۳۲۴ تاريخنده اقامه دعوى ايدلس اولديني اوراق دعوى مندرجاتندن آكلاشلمش وهرنه قدر اداره مذكوره وكيلى طرفندن ابراز اولنان ورقه ده فعل مدعا بك ۱۷ نيسان سنه ۳۲۱ تاريخنه قدر تبادى ايتديكي كوسترلمكده ايسه ده مذكور ورقه پوليس قوميسرى طرفندن سرد ايدلان ملاحظاتي محتوي اولسنه كوره وثيقه رسميه دن غير معدود بولنش اولسنه نظراً محكمه بدایتك مرور زمان قرارى موافق اصول وقانون ايدوكى بيانيه تصديقه قرار ويرلديكنى متضمندر .

تميز استدعانا سنده مرقوم فریج رخصت مسكرات فروخته اوچيوز يكرمى سنه سى كانون اولنده بدأ ايدوب اوچيوز يكرمى رسنه سى نيسانى ظيه سنه قدر دوام ايدديكي استيناف محكمه سنده ابراز اولنان بك اوغلى پوليس مجلسينك و فرى كوى ضابطه سنك رسمى دركنارلى اوراق مندرجاتيله ثابت اولديني و تاريخ مذكور دن اقامه دعوى تاريخنه قدر مرور زمان واقع اولديني حاليه محكمه استينافيه جه بوجه محرر قرار ويرلسنك مغايرت قانونيه سندن بجه اعلام استينافينك نقضى استدعا اولنش تبليغنامه ده دخی اعتراضات واقعه نك وارد ايدوكى بيانيه اعلام مذكورك نقضى لزومى كوسترلمشدر .

ايچاي لى المذاكره مندرجات اعلام بدن استنباط اولنديني اوزره دكاننده بلارخصت مسكرات بيع و فروخت ايتك ماده سيلاه مظلونا محكمه سى سوق اولنان مرقوم فریج حقنده مأمورين ضابطه طرفندن تنظيم قلنان ضبط ورقه سيلاه اولبايده كى شكايتمه تاريخلرينه نظراً ايشده مرور زمان بولنديني مفهوم اولسيلاه حقوق عموميه دعواسنك سقوطنه دائر بدایه ويران قرار عليهنده استينافه قسام ايدن ديون عموميه وكيلى جانبندن فعل مذكورك ۲۱ نيسان سنه ۳۲۱ تاريخنه قدر تبادى ايدديكنى اثبات ضمننده اثنای محاكمه استينافيه ده ابراز ايدلان ورقه زيرينه محلى پوليس قوميسر لمكندن يازيلان شرح محتوياتى صورت ادعائى و بك اوغلى پوليس مجلسينك دركنارى دخی شرح مذكورى مؤيد و مصدق اولسنه كوره ذكر اولنان ورقه بالكنز قوميسر مومى اليك ملاحظاتي حاوى اولمايوب مظنون مرقومك حركت مسروده سنك تباديسندن طولاني تاريخ مذكورده ايكنجى دفعه اوله رق بر معامله رسميه نك جريانى حاكى بولنش اولديني ويوكى مرور زمان مسائلنده مبدأ و منها تاريخلرينك شهر عربيه اوله رق قرار محالنده كوسترلماسندن وجلبنه لزوم كورينان شهوددن دعوته اجابت ايتيانلرك شو امتناعلرى اوزرينه افاده لرينه مراجعتدن صرف نظر ايدلس اولمسندن طولاني اعلام ابتدائى شايان فسخ بولنديني حاليه محكمه استينافيه جه بونواقص اصوليه عطف نظر دقت و اعلام مذكورك فسخى متعاقب اجرائى اقتضا ايدن محاكمه جرمك تباديلى مثبت اولان سالف البيان ورقه اوزرينه عندالايجاب توسيع تحقيقات اوله رق نتايج حاصله دائره سنده اعطاي قرار اولتمق لزومنه ده رعايت اولتمق سزین مرور زمان حقنده كى حكم ابتدائيك تصديق اولنسى يولسز و مخالف

اصول وقانون اولوب تميز استدعانا سى محتوياتى وارد و بجا كورنش ايدوكندن اصول محاكمات جزائيه قانونك اوچيوز اون درديجي و اوچيوز اون طقوزنجى ماده لرى موجبجه اعلام استينافينك اسباب محرره دن ناشى نقضيله احكام قانونيه دائره سنده ايفاي معامله اولتمق اوزره اوراق متعلقه سنك محكمه مذكوره ده اعاده سنه وايكى يوز غروش اعلام خرجك تعرفه و تعليمات مخصوصه سنه توفيقاً ايلروده حق سز چيقه جق طرفندن استيفاسنه ۷ مارت سنه ۳۲۶ تاريخنده متفقاً قرار ويرلدى .

محكمه تميز استدعا دائره سندن صادر اولان ۱۵ مارت سنه ۳۲۶ تاريخلى و ۲۰۰ نومرولى اعلام صورتيدر ::

« حكم غيايى اعلامى محكوم عليهك ذاته تبليغ ايدلامش اولور و يا خود حكمك اجراسندن خبردار اولديني ثابت اولمازسه جزانك مرور زمان ايله سقوطلى ايچون معين اولان مدت قانونيه نك اقتضاسنه قدر اعتراض استدعاسنك قبول ايدلسى لازم كله جكنه دائر »

قوصوه ولايتى استيناف محكمه سى جزا دائره سندن تنظيم واعطا قلنان ۷ كانون ثانی سنه ۳۲۵ تاريخ ۳۷۲ نومرولو اعلامك تميزاً تدقيقى طلبنى حاوى علكساندر كراسيموف جانبندن معطى استدعانا سى اوراق مقررعه سيلاه برلكده باش مدعى عموميك مأموريت بهيه سندن با تبليغنامه ۱۳ مارت سنه ۳۲۶ تاريخنده محكمه تميز استدعا دائره سنده توديع ايدلمكده ولدى التدقيق مذكور استدعانا سى مدت قانونيه سى ظرفنده اعطا و شرائط لازمه سائر سنك دخی ايفا قلنديني آكلاشلمقه بالقبول تدقيقات تميزيه اجراسنه ابتدار ايدلدى . اعلام مذكورك خلاصه مالى اسكوب بلغار متره پوليد دائره سنك مأمورين و معلمين روحليه معاشاتيله فقرايه مخصوص امانات سائر دن سكسان سكر بىك طقوزيوز اللى غروشى اخذ و سرق ايدديكي ادعاسيله مظنون عليه اولان دائره مذكوره باش كاتب معاونى وكيلى مستدعى علكساندر كراسيموفك قانون جزانك ايكيوز يكرمى ايكنجى ماده سى حكمه توفيقاً بر سنه حبسنه و مبالغ مذكوره نك كندوسندن بالتضمن متره پوليد خانه تسليمه دائر صادر اولان اعلام غيايى عليهنده اعطا قلنان اعتراض على الحكم عرضالنك مرورمدتن ناشى ردينه دائر لاحق اولان حكم ابتدائى اعلامى محكوم مرقوم جانبندن استيناف اولنسى اوزرينه اسباب قانونيه دن دولاي فسخيله سبق ايدن محاكمه و تدقيقات استينافيه نتيجه سنده اولبايده كى اعلام ابتدائيك مستألف مرقومك اقامتكاهنه رسا تبليغ ايدديكي تحقق ايلش بولسنه و بناء عليه وكيلى بيانانى كى جزانك مرور زمانه سقوطلى ايچون معين اولان مدت قانونيه نك اقتضاسنه قدر حق اعتراضى اولسى لازم كليوب مظنون مرقومك مطلع اولديني تاريخدن اعتباراً بش كون ظرفنده اعتراض استدعانا سى اعطا ايتسى قانوناً اقتضا ايدمك كونه مستألف مرقومك مذكور اعتراض عرضالنى افاده سى وجهله بش كون

ظرفنده دگل خانه سینه کلوب مطلع اولدقن یدی کون صوکره ویردیکی آ کلاشلمش ایدوکنندن ردینه قرار ویرلدیکنی متضمندر .

لایحه تمیزیده تبلیغاتدن خبردار اولمایوب بلغارستانده بولندینی برصردهده خانه سینه تبلیغ ایدلمش اولدینی و ذات مسئله ایچون اوراده محبوس قالب تحلیه ایدلدکنصکره اسکوبه عودت ایتدیکنی و اصول محاکات جزائییه قانوننک یوز یتش برنجی ماده سنده حکم غیابی اعلامی محکوم علیک ذاته تبلیغ اولمامش اولور ویاخود حکمک اجر اسندن خبردار اولدینی ثابت اولمازسه جزانک مرور زمانله سقوطی ایچون معین اولان مدت قانونیه نك اقتضاسنه قدر اعتراض استدعایه سی قبول اولنور دیومحرر اولدینی حالدیه محکمک استینافیه جه بورالری نظردقته آلتقسزین بوجه محرر اتخاذ قرار ایدلمش اولمسی مخالف اصول وقانون ایدوکنندن بختله اعلام استینافینک نقضی استدعا ایدلدیکی کبی تبلیغنامه ده دخی بدایه صادر اولان اعلام غیابینک اقامتگاهنه تبلیغ اولدینی صردهده مرقوم علیکساندرک بلغارستانده اولدینی مثبت اولمسنه و اسکوبه عودتدن اوج درت کون صکره پولیس مأموری طرفندن ویریلان خبر اوزرینه حکم غیابییه مطلع اولنجه اعتراض استدعایه سی اعطا ایدلدیکنی مدافعه درمیان ایتسنه نظراً شو افاده سنک عکسی یعنی خانه سینه عودتی کونی اعلام غیابییه اطلاع حاصل ایدلدیکنک نه صورتله ثبوت بولدیغنک توضیح اولمامسی یولسز وقانونه مخالف ولایحه تمیزیه بو طریقله بجا اولدینی بیانیله اعلام مذکورک نقضی لزومی مرقم بولمشدر .

ایجابی لدی المذاکره اعلام مذکور مندرجاتندن مستبان اولدینی اوزره مستدعی حقنده غیاباً لاحق اولان حکمک کندوسی صوفیهده بولندینی صردهده خانه سینه تبلیغ قلمش و بودفعه اسکوبه عودتله حکم غیابیدن خبردار اوله رق اعتراض علی الحکم استدعایه سی اعطا ایتش اولدینی و اصول محاکات جزائییه قانوننک یوز یتش برنجی ماده سی حکمنجه حکم غیابی اعلامی محکوم علیک ذاته تبلیغ ایدلمش اولور ویاخود حکمک اجر اسندن خبردار اولدینی ثابت اولماز ایسه جزانک مرور زمان ایله سقوطی ایچون معین اولان مدت قانونیه نك اقتضاسنه قدر اعتراض استدعایه سی قبول ایدلمسی لازم کله جکی مرقوم ایله وکیلی طرفندن عندالحا که درمیان اولوب قانون مزبورک ماده مبحوثیه سی اقتضاسنجه ذاته تبلیغات اجرا قلمش اولان محکوم علیک حکمک اجر اسندن خبردار اولدینی تاریخندن حق اعتراضی استعمال ایدمجه درکار اولسنه کوره مرقومک سالف البیان ادعای نظردقته آلهرق اسکوبه عودتله حکمک اجر اسندن خبردار اولدینی تاریخک تحقیق و تدریقیه استدعایه سنک مدت نظامیه ظرفنده ویرلدیکی تبیین ایدلدیکی تقدیرده قبولی قانوناً مقتضی ایکن شو صورتله معامله ایفاسندن ذهول ایله برمنوال محرر اتخاذ قرار ایدلمسی یولسز وخلاف قانون اوله رق تبلیغنامه ده دخی کوستلدیکی اوزره لایحه تمیزیه مندرجاتی وارد و بجا بولمش ایدوکنندن اصول مذکورک اوچوز اون دردنجی و اوچوز اون طقوزنجی ماده لری منظوقجه قرار مذکور اعلامنک نقضیه احکام قانونیه دائره سنده ایفای معامله اولنق اوزره اوراق دعوانک محانه اعاده سینه وایکوز غروش اعلام خرجنک تعرفه و تملکات مخصوصه سی موجبجه ایلروده حقمنز حقیقه جق طرفندن استیفا سینه ۱۵ مارت سنه ۳۲۶ تاریخنده متفقاً قرار ویرلدی .

محکمک تمیز حقوق دائره سندن صادر اولان ۲۲ حزیران سنه ۳۲۶ تاریخی و ۸۸۳ نومرولی اعلام صورتیدر :

« قابل استیناف اولان بر اعلام ابتدائی اعاده محاکمه ایدیلیمیه جکی جهتله استیناف محکمک سی اعلامی بمدالفسخ اعاده محاکمه استدعایه سنک ردیله بالا کتقا باشقه جه محاکات اجر اسنه محل اولمادینی حالدیه اجرای محاکمه و حکم اعطایه نقض حکمی مسلماندر »

بوزقیر قضای زراعت بانق شعبه سیله قضای مذکور بلدییه رئیس ساقی عثمان افندی پیننده متکون دعوایه دائر قونیه استیناف محکمک سندن ۱۱ شباط سنه ۳۲۵ تاریخی ویکرمی اوج عددی ایله ویریلوب خرجی مستدعی تمیز شعبه مذکور طرفندن ویریلوب اخذ واستحصال قلنان و بناء علیه مدت قانونیه نك تابع اولمان اعلام باش مدعی عمومیک مأموریتنک مطالعه نامه سی الندقدن صکره طرفینک اعتراض وجواب لایحه لریله بالمطالعه تدقیقات تمیزیه اجر اسنه ایتدار قلندی .

اعلام مذکورک خلاصه مالی مومی الیه عثمان افندینک اوچوز بش سنه سی صوغلا بدل اعشارندن بوزقیر زراعت بانق شعبه سینه غیراز استیفا دینی اولدینی تبیین ایدن ایکی یوز اوج کیل جدید اتوز اولچک خطه نك اثمانی اولان ایکی بیک درتیوز قرق غروشک اولباده کشیده اولنان پروتستو موجبجه ماترم مومی الیه دن باتحصیل مذکور بانق صندوقه تسلیمنه دائر بوزقیر قضای بدایت محکمک سندن ویریلان اعلام علینه شعبه مذکور طرفندن اعطا قلنان اعاده محاکمه استدعایه مدعابه خطه نك بهر کیل جدیدینک اتوز غروشندن حکم اولنق لازم کاور ایکن نقصان فیثاته حکم اولمسی و پروتستو تاریخندن حین تأدییه قدر قاض حساب و حکم ایدلمه سی مخالف قانون اولدینی بسط و اتیان قلمش ایسه ده جریان ایدن محاکمه و تدقیقات نتیجه سنده اعلام معادیه مدعینک کشیده ایدلیدی پروتستوده محرر فیثاته استناداً لاحق اولدینی جهتله استدعای مذکورک ردیله اعلام معادیه حکمک تصدیقنه دائر ویریلان اعلامک عندالاستیناف اساس دعوی آلتی بیک کسور غروش اوزرینه جریان ایدلیدکندن دعوی قابل استیناف اولسنه و بو مثللو درجه ابتداییه صادر اولان اعلامک محکمک بدایتیه اعاده رؤیتنه مساع قانونی اولمامسنه بناء اعلام مستأنف بهک فسخیه یکیدن مدعی عمومی حضوریه سبق ایدن محاکمه و تدقیقات نتیجه سنده مقاولات محرر لیکندن مصدق التزام سندننده التزامک کیل جدید اوزره احاله اولندینی کبی پروتستو ورقه سنک دخی بهر کیل جدید ایچون اون ایکی غروش طلب اولمسنه و وقیله تسلیم اولنان ذخیرهیه تقدیر فیثات ایدلمیه رک قبول ایدلمسنه و بو باده عدم قبول یولنده بر کونا ادعا سبق ایتمامسنه بناء شعبه مذکور وکیلنک بو باده کی ادعایه سنک ردیله مدعی علیه قارشو معارضه دن منعنه حکمدن و مستدعی تمیز شعبه مذکور وکیلنک لایحه سنده محرر اعتراضنک باشلوجه سی کشیده اولنان پروتستو نامه ده اون ایکی غروش بدل ارنیله جینی یولنده سبق

ايدن طلبك كيل جديد ويا كيل آستانى دن هانكيسنه شمولى اولدينى آكله شلق و آ كا كوره اعطاي حكم ايدلك مقتضى ايكن محكمه جه بوراسلك نظر دفته آلماش و مذكور پروتستو نامه ده هر نقدر كيل جديد ويا استانبولى ديه تصریح ايدلميه رك على الاطلاق كيل ذكر ايدلمش اولسنة و بو مثللو ذخيره معاملاتك عرف و عادت بلده ايجانجه كيل استانبولى ديمك اوله جفته كوره محكمه جه بويولده حكم اعطا اولمامسى يولسز و مغاير قانون اولديغدن بحاله اعلامك نقضى استدعاسندن ولايحه جوابيه مؤداسى ده اعتراضات مسروده نك واهى وى اساس اولدينى بيانيله ردى و موافق اصول و قانون اولان اعلام مذكورك تصديق طلبندن وائف البيان مطالعه نامه مالى ده لايحه تميزيه ده درميان اولنان اعتراضاتك غير وارد بولندينى بيانندن عبارتدر .

ايجابى مذاكره اولندوقده كيفيت ادعا بر منوال محرر حكم و اعلامه ربط اولمش ايسه اصول محاكمه نك ايكي يوز برنجى ماده سنده كوسترلديكى اوزره اعاده محاكمه انجق درجه اخيره ده لاحق اولان يعنى قابل اعتراض و استيناف بولمىان حكم و اعلام عليه اوله بيلديكى و حكم ابتدائى قابل استيناف اولق جهتيله اعاده محاكمه صورتيله تدقيقته مساغ قانونى اولمادىنى حاله اعاده محاكمه نك قبول ايدلمسندن دولاي اعلام ابتدائى فسخ ايدلدكن صكره محكمه جه اعاده محاكمه استدعاسك رديله بالاكتفا باشقهجه محاكمات اجراسنه محل اولمادىنى حاله بعدالفسخ اجراى محاكمه و حكم اعطاسى يولسز و اصول و قانونه مغاير اولديغنه بناء اصول محاكمه حقوقيه قانوننك ايكي يوز قرق بر و ايكي يوز قرق دردنچى ماده لرى موجبجه اعلام مذكورك تقضيله كيفيتك بر منوال محرر اعلامه ربطى ضمننده محكمه مذكوره اعاده سنده وزيرده مفرداتى مرقم مصارف تميزيه نك ايلروده حقسز چيقه جق طرفه عائد اولسنة ۲۲ حزينان سنه ۱۳۲۶ تاريخنده متفقاً قرار و يرلدى .

محكمة تميز حقوق دائره سندن صادر اولان ۱۹ تموز سنه ۳۲۶ تاريخلى و ۱۳۴۵ نومرولو اعلام صورتيدر :

« قابل استيناف اولدينى حاله استيناف ايدلميه رك تميز ايدلان اعلام ابتدائى
نقض اولندوقدن صكره محكمه بدايجه بتكرار جريان ايدن محاكمه نتيجه سنده اعطا
اولنان حكمك قابليت استينافيه سى اولديغنه دائر »

طر بزون ولايته تابع خوص كراسيه قريه سى اهالي سندن قريه پنا اوغللى لميانى و اناستاس ايله خوص ديماسيه قريه سى سكنه سندن جلاب اوغلى حميد آغا بيلرلنده متحدث دعوايه دائر ولايت مذكوره استيناف محكمه سندن ۱۶ حزينان سنه ۳۲۶ تاريخى و اون اتى عددى ايله و يريلوب مدت قانونيه سى طرفنده مرقومان لميانى و اناستاس طرفلرندن تميز ايدلان اعلام طرفينك اعتراض و جواب لايحه ليله بالمطالعه تدقيقات تميزيه اجراسنه ابتدار قلندى .

اعلام مذكورك خلاصه مندرجاتى مذكور خوص ديماسيه قريه سنده كاش اولوب مظلوميان فراغان طرفندن

مرقومان لميانى و اناستاسيه فراغ اولنان معلوم الحدود سكرز دوئم برقطه اراضينك مذكور ديماسيه قريه سى اهالي سندن اولوب اراضيه شدتله احتياجي بولنان مرقوم حسين آغايه بدل مثليه تقويضنه دائر طربزون مركز بدايت محكمه سندن صادر اولان اعلام عند التميز اسباب قانونيه بناءً تقض و اعاده قلمسى اوزرينه اولاً غياباً و اعتراض على الحكم اوزرينه و جاهاً و يريلان اعلام عليه سنده مرقومان لميانى و انستاش طرفلرندن استيناف دعوايه قيام ايدلمش ايسه ده مقدما بدايه مستأنفلر عليه لرنده و يريلان حكمك استيناف مدتى مرور ايتديرلدكن صكره تميز ايدلمش اولسنة و اسقاط ايدلان برحقك تكرار اعاده سى غير جائز بولسنة مبنى اصول محاكمه حقوقيه قانوننك قرق سكرزنجى ماده سى موجبجه استيناف عرضالك رديله نقض واقع اوزرينه اعطا اولنان اعلام ابتدائى حقنده مرقومانك ينه تميز دعوى طرق قانونيسنه توسل ايللى لى لزومنه حكمدن و مستدعى تميزلرك اشبو حكم عليه سنده لايحه لرنده محرر باشلوجه اعتراضلرى مقدما بدايه و يريلان اعلامى استيناف ايتيوب مرور مدتدن صكره تميز ايتلميله اعلام مذكور تميزاً نقض و اعاده قلمش و مؤخرأً بدايه صادر اولان اعلامى استيناف ايتمهك حق و صلاحيتلى دركار بولمش ايكن محكمه استينافيه جه بر منوال محرر استيناف عرضالك ردينه قرار و يرلى يولسز و مغاير قانون اولديغدن بحاله اعلامك نقضى ولايحه جوابيه مؤداسى دى سرد اولنان اعتراضاتك غير وارد اولدينى بيانيله ردى و موافق اصول و قانون اولان اعلام مذكورك تصديق استدعاسندن عبارت بولمشدر .

ايجابى مذاكره اولندوقده خصوص مدعا بروجه محرر محكمه جه بالرؤيه اعلامه ربط ايدلمش ايسه ده نفس دعوى اصول محاكمه حقوقيه قانوننك برنجى و يوز يتش برنجى و تشكيل محاكم قانوننك اون برنجى ماده لرى موجبجه قابل استيناف اولديغنه كوره اعلام مذكورك اولجه يعنى قبل النقض مدت استينافى كچوره رك محكمه تميزه عرض ايدلمسى اوزرينه تميزاً نقض اولنهرق بدايت محكمه سنده اعاده اولندوقدن صكره لاحق اولان بوايكنجى حكم كذلك قابل استيناف بولندينى و اولجه طوغريدن طوغريه محكمه تميزه مراجعت ايدلمش اولسى بو حكم جديد حقنده كى حق استينافى مسقط اولدينى حاله محكمه استينافك هيچ بر ماده قانونيه استناد ايتمكسز بر مجرد وقتيله تميزه مراجعت ايدلمسى سبيله حكم اخير مذكور قابليت استينافيه سى اولمادىغنه قرار و يرلى يولسز و اصول و قانونه مغاير بولنديغنه بناءً اصول محاكمه حقوقيه قانوننك ايكوز اوتوز ايكنجى ماده سى موجبجه اعلام مذكورك تقضيله قانون مذكورك ايكوز قرق دردنچى ماده سى حكمنه توفيقاً كيفيتك استينافاً بالرؤيه اعلامه ربطى ضمننده مذكور استيناف محكمه سنده اعاده سنده وزيرده مفرداتى مرقم اولوب اولجه مستدعى تميزلر طرفندن ايضا اولنان يوز يتش التى غروشه بوكره تميز عليه طرفندن اعطا قلنان يوز آلمش اوج غروشه جعاً اوچيوز اوتوز طقوز غروش مصارف تميزيه نك ايلروده حقسز چيقه جق طرفه عائد اولسنة فى ۱۹ تموز سنه ۳۲۶ تاريخنده اكثريله قرار و يرلدى .

محكمة تميز حقوق دائره سندن صادر اولان ۲۱ تموز سنه ۳۲۶ تاريخي و ۱۴۰۷ نومرولي اعلام صورتيدر :

« شرطه معلق كفالته شرطك تحققي انعقاد كفالته لازم اولديغه بناءً دايك اصيلدن طلب ايدوب ايتديك تحققي ايجاب ايتديكنه و كفيل اصيل طرفندن تسويه اولنديغني ادعا ايتديكي حاليه بودفي اثبات ايتديرك و اثبات ايدمديكي تقديرده مدعيك يمينيله حل مسئله ايدك لازم اولديغه دائر »

كليك قضايسنك ميخانه بوغازنده مقيم قهوجي بربر قوچو ايله عدليه قريه سنده ساكن حاجي ايوب افندي بيننده متحدث دعوايه دائر قضاي مذكور بدايت محكمه سندن ويريلا ۵ شباط سنه ۳۲۵ تاريخي وايكي يوز قرق نومرولي اعلام مرقوم قوچو طرفندن تميزايدلمش وديكر طرفدن جواب لايحه سي ويريلاش اولمغله طرفينك اعتراض وجواب لايحه ليله بالمطالعه تدقيقات تميزيه اجرا سنه ابتدار اولندي .

اعلام مذكور خلاصه مندرجاتي : مزبور حاجي ايوب افنديك جهت كفالته برقطعه سند موجبجه مرقوم قوچو ذمتنده غير از مأخوذ يدي عدد عثمانلي ليراسي ايله برعدد سيم مجيدي الاجني اولديغندن بختله تحصيلي طلب ودعوي و اثبات مدعا ضمننده قوچو امضاسيله مضى ومديون اغانكوس وعده سي حائلنده اشبو ديني تماماً ايضا ايتز ايسه بلا تردد طرفندن تأديه اولمغجه كفيل وضامن تحصيله سي حاوي برقطعه دين سندي ابراز واعطا ومدعي عليه قوچو دخي كچه جهت كفالته بورجي وار ايسه ده مبلغ مذكور مديونه اصيل اغانكوسي طرفندن مدعي به ويريديكي وبصورته دين مذكور ادا ايدليكني افاده وادعايلري اوزرينه اولبابده اجرا قلناسان محاكمه و تدقيقات نتيجه سنده مدعيك طلب ايدليكي يدي عدد عثمانلي ليراسي بحسب الكفاله ديني اولديغني مدعي عليه قوچو عند المحاكمه اقرار ايلسنه و اصيلك ديني تسويه ايتديكني اثبات ايدمماسنه بناءً مجله نك بيك سكر يوز اون يدنجي ماده سي موجبجه بر موجب اقرار مبلغ مزبورك مدعي عليه قوچودن بالتحصيل مدعي حاجي ايوب افندي به اعطاسنه حكمدن ومستدعي تميز قوچونك اشبو حكم عليهنده لايحه سنده محرر باشلوجه اعتراض كنديسي مديون اغانكوس ديني تماماً ايضا ايتز ايسه طرفندن تأديه ايديله جكنه دائر مشروطاً و مقيداً كفالت ايتش ايكن و داي مزبور اصيله مراجعت ايتكسزين كندوسندن دعوي ايتسي مجله احكامنه مخالف بولنديغني حاليه محكمه جه بو جهتك نظر دفته آلتامسي مغاير قانون اولديغندن بختله اعلامك نقضي استدعاسندن عبارتدر .

ايجابي لذي المذاكره محكمه مذكور جه كيفيت برمنوال محرر تحت حكمه آلتامسي ايسه ده سند مندرجاتنه كوره كفالته واقعه « اشبو ديني تماماً ايضا ايتز ايسه » ديو شرطه تعليق ايدلمش اولديغنه و مجله نك آتي يوز اوتوز آلتيجي ماده سي موجبجه بوكي شرطه معلق كفالته شرط ثابت اولمادجه كفالته دخي معدوم قاله جغندن شرطك تحققي انعقاد كفالته لازم ايدوكنه و شرطك تحققي ايسه داي آلاجهني اول اصيلدن

شفاهاً اولسون طاب ايدوب انك دخي ويريلاسي ايله اوله جغه كوره محكمه جه بوجهت يعني دايك اصيلدن مطالبه سي مسبوق اولوب اولماديني مدعيدين ايضاحات طلب ايديله رك تدقيقات لازمه اجراسي ايله مطالبه سي مسبوق اولماديني حاليه كفالته هنوز عدم انعقادي جهتييله بعد المطالبه دعوايه مختار اولمق اوزره دعواسي رد ايدك ايجاب ايتديكي كبي شايد مطالبه سي مسبوق و بناءً عليه شرطك تحقيقيه كفالته منعقد اولديغني صور ثبوتيه قانونيه ايله اكلاشيلديغني صورتده مدعي عليه مبلغ مذكور اصيل طرفندن ايضا اولنديغني ادعا ايتكده اولسنه مبنى مجله نك ۱۶۳۲ نجى ماده سنده كوسترليكي اوزره مرقومه بودفي اثبات ايتديرك و اثبات ايدمديكي تقديرده مدعيك يمينيله حل مسئله ايدك لازم كلور ايكن بوكا دخي رعايت اولتماسي بولسز و اصول وقانونه مغاير كورلمش اولديغنه بناءً اصول محاكمه حقوقيه قانونك ايكي يوز اوتوز ايكنجي ماده سي موجبجه اعلام مذكورك تقضيله قانون مزبورك ايكي يوز قرق دردننجي ماده سي حكمه توفيقاً كيفيتك صور محرره دائره سنده تكرار بالرؤيه اعلامه ربطى ضمننده محكمه مذكور به اعاده سنه و زيرده مفر داني مرقم ايكي يوز يكرمي اوچ غروش مصارف تميزيه نك ايلروده حقسز حقيقه حق طرفه عائد اولسنه ۲۱ تموز سنه ۳۲۶ تاريخنده متفقاً قرار ويريدي .

محكمة تميز حقوق دائره سندن صادر اولان ۱۳ تموز سنه ۳۲۶ تاريخي و ۹۶۵ نومرولي اعلام صورتيدر :

« اعلامي كسب قطعيت ايدن بردعوانك تكرار روي جائز اولمادىغندن ردى اقتضا ايدر ايكن رؤيت وحكم اولنمى مستلزم نقضدر »

قسطموني ولايتي داخلنده طاش كوپري قضايسنه تابع مسيد وجورا اوغلي قريه لري قوم غير محصور اهالي سي بينلرنده متكون دعوايه دائر قضاي مذكور بدايت محكمه سندن ۲۰ كانون ثاني سنه ۳۲۵ تاريخي و يوز التمش درت عددى ايله ويريلاش اعلام مذكور مسيد قريه سي اهالي سي طرفلرندن مدت قانونيه سي ظرفنده تميز ايدلمش واوراق تميزيه صورتلري على الاصول ديكر طرفه تبليغ واعطا ايدلمش اولديغني حاليه جواب لايحه سي ويريلاش اولمغله باش مدعي عمومليك مأموريت عليه سنك مطالعه نامه سي التديقدن صكره بالكرز مستديرك اعتراض لايحه سيله بالمطالعه تدقيقات تميزيه اجرا سنه ابتدار قلندي .

اعلام مذكور خلاصه مندرجاتي مذكور جور اوغلي قريه سي قوم غير محصور اهالي سنك قريه لري اراضي سي اسقايه مخصوص اولان عباس چاي اوزرينه مزبور مسيد قريه سي اهالي سي طرفلرندن انشا اولنان بئذك هدمنه دائر مقدما صادر اولان اعلامك موقع اجرايه وضع اولتماسندن دولاي بوكره قريه مذكور اهالي سي طرفندن تكرار مداخله اولنديغندن بختله منفي ومذكور بئذك هدمني طلب و دعوي وبر قطعه اعلام ابراز واعطا ايتلري ومدعي عليهم مسيد قريه سي اهالي سي دخي منازع فيه بند كندو قريه لرينك قديم

بندی وعباس قریه سنک آلتده کی بند دخی متوی اوغلی قریه سنه کیدن صویک بندی اولوب مبرز اعلامده ذکر اولنان بندلر بولردن عبارت اولدیغی بیان وانبا ایلری اوزرینه مدعی عمومی حضوریه جریان ایدن محاکمه وکشف و تدقیقات نتیجه سنده مدعی علمیم مسید قریه سی اهالیسنک مذکور جای اوزرینه بند انشاسیله صوآلدقیری بوبابده واقع اولان اقرار مؤلرینه منضم کشف راپوری مندرجاتیله تحقیق ایتمسه بناء مجله نك بیک ایکی یوز التمش بشنجی و بیک ایکیوز التمش طقوزنجی و بیک التی یوز تمش بشنجی ماده لری احکامنه توفیقاً مدعی علمیم مسید قریه سی اهالیسنک مذکور صویه وقوع بولان مداخله لرینک منعیله انشا ایلدکلری بندک هدم ورفعه حکمدن مستدعی تمیز مسید قریه سی اهالیسنک اشبو حکم علیهنده لایحه سنده محرر خلاصه اعتراضاتی دعوی واقعه مقدما بالرؤیه تحت حکمه التدیغی مبرز اعلام ایله ثابت ایکن محکمه جه بتکرار رؤیت و حکم اولنمی مغایر قانون اولدیغندن بجله اعلام مذکورک نقضی استدعاسندن و انف الیایان مطالعنامه دخی لایحه تمیزیه ده درمیان اولنان اعتراضک موافق قانون کورلدیکی بیانندن عبارت بولمشدر .

ایجابی لدی المذاکره اعلام مذکور مآلندن منضم اولدیغی اوزره کیفیت ادعا برمنوال محرر حکم و اعلامه رابط اولنمش ایسه ده دعوی واقعه اولجه بالمحاکمه حکمه ربط ایلدیکی و اولیابده کی اعلام ایسه لازم الاجرا حالتی اکتساب ایدرک مجله نك بیک سکز یوز اوتوز یدنجی ماده سی موجبجه بویکی حکم و اعلام اولنان بر دعوانک تکرار رؤیتی غیر جائز و اصول محاکمه نك اوچنجی ماده سنک فقره اخیره سی حکمنجه اعلام اول مرعی و معتبر بولدیغی جهته مذکور اعلام حکمی اجرا ایدلک اوزره دعوی اخیره نك ردی اقتضایدر ایکن تکرار رؤیت و حکم اولنمی یولسز و اصول و قانونه مغایر کورلش اولدیغنه بناء اصول محاکمه حقوقیه قانوننک ایکی یوز ایکنجی ماده سی موجبجه اعلام مذکورک نقضیه قانون مذکورک ایکی یوز قرق بشنجی ماده سی حکمنه توفیقاً کیفیتک تکرار اعلامه رابطی ضمننده محکمه مذکوریه اعاده سنه وزیرده مفرداتی مرقم بشیوز قرق سکز یوز غروش مصارف تمیزیه نك ایلروده حقسز چیه جق طرفه عائد اولسنه ۱۳ تموز سنه ۳۲۶ تاریخنده متفقاً قرار ویرلدی .

محکمه تمیز حقوق دائره سنندن صادر اولان ۵ اغستوس سنه ۳۲۶ تاریخی و ۱۵۶۱ نومرولی اعلام صورتیدر:

« ثبوت وکالته دائر اولان حجت شرعی نك موافق اصول اولوب اولمادیغنک تدقیق فتواخانه ایله مجلس تدقیقات شرعییه عائد وظائفدن اولدیغندن ناشی حجت شرعیه مندرجانه شایه تدویر و تصنیع و اثر بطلان موجود اولدیغی ادعا اولدیغی تقدیرده محکمه نظامیه جه مرجعه تدقیق ایتدیرمک اوزره امهال ایدیلرک حاصل اولان نتیجه کوره اتخاذ قرار اولنقی اقتضایدر ایکن تدقیق مندرجاتیله ابطال حکمنه قرار اعطاسی نقض حکمی مستلزمدر »

لغزه قضائیه تابع کوزته قریه سی اهالیسنندن یوسف و حسین بنان و نعمان ایله همشیره لری متوفاه

فدیجه خاتون ورثه سنندن کریمه لری محبه ونحیه وصغیر مخدومی نعمانک و صیسی رمضان بن حسین میانه لرنده منکون دعویاه دائر سالانیک ولایتی استیناف محکمه سی حقوق قسمندن ۲۶ کانون نانی سنه ۳۲۵ تاریخی و قرق ایکی عددیه ویریلوب مرقومان یوسف و حسین طرفلرندن مشترکاً تمیزی استدعا قلنان اعلام اولیابده اوراق تمیزیه صورتلری دیگر طرفه تبایغ ایدلش اولدیغی حالده جواب لایحه سی ویرلماش اولغله لایحه اعتراضیه ایله بالمطالعہ تدقیقات تمیزیه اجرا سنه ابتدار اولندی .

مذکور اعلامک خلاصه مندرجاتی مزبوره خدیجه خاتونک حال حیاتنده متوفی پدری نعمان افندیدن لا بوین قرداشلری مرقومان یوسف و حسین و مصطفی ایله کندوسنه انتقال ایدن کوزته قریه سنده کائن معلوم الحدود دوم اراضی ایله ایکی طاشلی برباب دقیق صو دکرمنی برادرلری مرقومونک اون سکز سنه دنبری ضبط و زراعتله کندو حصه سنه اصابت ایدن مقداری تفریق و تقسیمدن امتناع ایتمکده اولدقلرندن بجله کرک اموال موروثه مذکورده دن و کرک متوفی پدرینک بو آنه قدر کذار ایدن مدته عائد بدلات اجاره دن کندو حصه سنه دوشن مقدارینک تفریق و تخصیصیه طرفه تسلیمینی لغزه قضاسی بدایت محکمه سنه مراجعتله طلب و دعوی و مدعی علمیم دخی مدعیه نك مدعا به اراضیده کی حصه سی وکیل بالیبع شرعیسی عمر افندیدن قرق بش لیرا بدل مقابلنده مبايعه ایتدکلرینی افاده وانبا بر قطعه وکالت حجت شرعییه بیع واقعه دائر طاپو کتابتندن معطی بر قطعه ورقه ابراز و اعطای مدعیه ده حجتندن و فراغ مسئله سنندن قطعاً خبری اولمادیغی اثبات ایده جکینی بیان و ادعا ایلری اوزرینه جریان ایدن محاکمه و تدقیقات نتیجه سنده مدعیه نك املاک و اراضی مذکورده کی خصص ارثیه سنک مومی ایله عمر افندی طرفندن مدعی علمیمه بدل معلوم مقابلنده صالتدیغی مبرز طاپو کتابتک ورقه سی مندرجاتندن آکلاشلش ایسه ده مذکور وکالت حجت شرعییه سی اصوله موافق صورتده تنظیم ایدلماش اولدیغی کی مندرجائیده ترضیع و تزویردن غیر سالم اولوب چونک مزبوره نك وکالت مذکورده نی حضور شرعه تدقیر ایلدیکی مندرج بولنماش وشو حالده عمر افندینک غیر صحیح بروکالتیه استناداً واقع اولان بیعی بر موجب بجله فضولی بولنمش اولدیغندن بیع مذکورک فسخیله مدعیه نك اراضی مدعا بها ایله دکرمنده کی حصه ارثیه سنه مدعی علمیمک واقع اولان مداخله لرینک منعه دائر ویریلان اعلامک عندالاستیناف تصدیقه حکمدن و اشبو حکم علیهنده مستدعی تمیزلرک لایحه لرنده مندرج اعتراضاتنک باشلوجه سی انف الیایان وکالت حجت شرعییه سی حقنده تدقیقات اجرایی باب فتویاه عائد بولندیغی حالده محکمه ابتدائیه جه ابطال حکمنه کیدلسی مغایر قانون اولدیغندن و افادات سائرده دن بجله اعلام مذکورک نقضی استدعاسندن عبارتدر .

ایجاب کیفیت لدی المذاکره دعوی واقعه هر نه قدر بروجه مشروح حکم و قراره رابط اولنمش ایسه ده محکمه جه ابطال حکمی جهته کیدیلن مبرز حجت شرعییه نك ثبوت وکالته دائر حکم شرعی نی متضمن اولقی اعتباریه دستورک اوچنجی ذیلانک سکسان بشنجی صحیفه سنده مندرج تعلیماتک بشنجی بندی موجبجه موافق اصول اولوب اولماد یعنی تدقیق و مندرجاتی حقنده قرار اعطایتمک حصراً فتواخانه ایله مجلس تدقیقات شرعییه عائد وظائفدن

اولدینی کی یا لکنز تقریر و ضبط و کاتی متضمن حجج شرعیہ سنک دخی تدقیقی تعلیمات مخصوصہ نیک بکرمی برنجی ماده سی موجبہ کذا فتوا خانہ عائد وظائفدن اوله رق محکمہ نظامیہ نیک بوکی و نائق شرعیہ نیک تدقیق مندرجاتیله ابطال حکمنہ قرار اعطاسی حقنی حائز اولمادیغندن حجت شرعیہ مندرجاتندہ شائبہ تزویر و تصنیع و اثر بطلان موجود اولدینی ادعا ایدلیدی حالده محکمہ ابتدائیه جه مذکور حجت شرعیہ یی مرجعندہ تدقیق ایتدیرمک اوزره مدعیلر امهال ایدیلرک حاصل اوله جق نتیجہ کوره دعوی واقعہ حقندہ قرار اتخاذ ایتک ایجاب ایدر ایکن بولزوم قانونی نظر اعتباره التماسندن طولانی اعلام ابتدائیک استینافاً فسخی ایلهمذکور حجتک بروجہ محرر فتوا خانہ و مجلس تدقیقات شرعیہ ده تدقیق ایتدیرمک ایچون مدعیلر امهال ایدیلرک نتیجہ حاصلیه کوره قرار ویرمک اقتضا ایتدیکی حالده بوندن ذهول اولنسی یولسز و اصول و قانونه مغایر کورلمش اولدیغندن اصول محاکمه حقوقیه قانونک ایکی یوز اوتوز ایکنجی ماده سی موجبہ اعلام مذکورک تقضیه قانون مزبورک ایکی یوز قرق دردنجی ماده سنه توفیقاً بالرؤیه اعلامیه ربطی ضمننده محکمہ مذکوریه اعاده سنه وزیرده مفرداتی مرقم اولوب اولجه مستدعی تمیزلر طرفلرندن ویریلان و بکره طرفندن ایفا اولنان غروشک جمعا غروش مصارف تمیزیه نیک ایلروده حقسنز چیقہ جق طرفه عائد اولسنه ۵ اغستوس سنه ۳۲۶ تاریخنده اکثریتله قرار ویرلدی .

محکمہ تمیز جزا داره سندن صادر اولان ۲۰ محرم سنه ۳۲۸ و ۱۹ کانون ثانی سنه ۳۲۵ تاریخی و ۷۳۴۰ نومرولی اعلام صورتیدر :

« بعض جهات حقندہ کی تدقیقاتک تعمیق و متهمک مابن افادانی کندوسنه اخطارله حل و متهم محاکمه صالوتندن چیقارلدندن صکره سائر معاملات قانونیه اجراییه شاهدک استماعی کی تدابیر قانونیه مراجعت و متهم ایلہ مقتول اره سنده کی عداوتک تحقیق و تعیین جزا حقندہ مدافعہ نیک استماع اولتماسی مستلزم نقض اسبابدن اولدیغه دادر »

لاجبی اوغلی علی بن احمد زوجہ سی ذکیه نام دیگر حمامه بنت محمد ایلہ کحیل اوغلی محمد چاوشی جرح و قتل ایتک و فعل قتله معاونت ایلک کیفیترندن دولایی جنایتله اتهام اولنان مرقوم لاجبی اوغلی علی بن احمد ایلہ حسن قاسم اوغلی طفل احمد حققرنده اجرا قلنان محاکمه نتیجہ سنده مرقوم علی بن احمدک قانون جزانک یوز یتمنجی ماده سنه توفیقاً اعدامنه و دیگرلرینک برائتته دادر اطنه ولایتی استیناف محکمہ سی جزا داره سندن صادر اولان ۲۵ تشرین ثانی سنه ۳۲۵ تاریخی و درت یوز یتش سکز نومرولی اعلام ایلہ متفرعاتی باش مدعی عمومیلک مأموریت علیه سندن ۹ کانون اول سنه ۳۲۵ تاریخی و بشبیک اوچیوز اون

سکز نومرولی تبایغنامه ایلہ محکمہ تمیز جزا داره سنه ارسال اولمغله اوراق مذکورہ مطالعه و قرائت اولندی . متهم مرقوم علی طرفندن ویریلان لایحه تمیزیه ده کندیسیمیشیرہ سنک خانه سنده بولندیی بر صره ده خانه سنده بولنان ایکی زوجہ سندن مریم ایلہ مقتول محمدک معامله غیر مشروعه اجرایی ایچون خانه سنه کیردیکنی کورن متوفیه دیگر زوجہ سی ذکیه یی ستر ماده مقصدیه مرقوم محمدک قتل ایتسی و یولده بالتصادف مرقومک قازمه صاپیلہ کندیسینده هجومه قیام ایتسی اوزرینه حاصل اولان تهور نتیجہ سی اوله رق فعل قتل کندی طرفندن وقوعه کلدیکی حالده اعدامنه حکم ایدلسی موافق قانون و معدلت اوله میسه جغندن بختله حقندہ کی حکمک نقضی استدعا قلنمشدر .

تبایغنامه ده متهم اولا زوجہ سی ذکیه یی خانه سنده لیلای بالتهور جرح و قتل ایتدکدن صکره فرداسی کونی سابقاً خصوصتی موجود اولان محمد چاوشه عطف تهمله برابر مرقومی تعدماً قتل ایدلیدی اعلامک جمله محتویاتندن اولوب شوقدرکه متهم حدتلی اوله رق مقتولی سؤال و تحری و قتل ایدہ جکنی بالیان فعل قتل ایقاع ایدلیدی کرک شاهد عرب حسنک و کرک سائر بعض شهودک روش اخبارلرندن مستبان اولسنه و شاهد طورمش متهمک « نیچون زوجہ می اولدیردک » دیه مقتوله اولا شتم و روولورینی تشہیر ایتسنه مقابل مقتوله بردن قازمه صاپی آلمسیله متهم روولورینی انداخت ایدرک قتل ایدلیدیکی خبر ویرسنه نظراً بونده اک زیاده شایان اهمیت اولان جهت متهمک ذاتاً مقتول ایلہ خصومت سابقہ لری موجود اولدینی جہتلہ زوجہ سنک قتلندن متولد مسئولیت جزائیہ یی اوزرندن نزع و نفسنی تجرید و مقتوله اسناد ایتک صورتیلده مرقومدن اخذ نار مقصدیه مقتولی سؤال و تحری ایتسی و تهدیدات واقعہ سی بدایت امرده بر نمایشدن عبارت ایکن متهمک شتمله برابر روولورینی تشہیر ایتسنه قارشی مقتوله قازمه صاپی آلمسی اوزرینه متهم تهور ایدرک بالتیجہ فعل قتل من غیر تعدمی یوقسه محمد چاوشی ده قتل ایتکی تصور ایتدکدن صکره کویا زوجہ سنک قاتلی اولسی کی جعلی برتهور کوسترہ رک فعل قتل متعمداً ایقاع ایدلیدی مسئلہ سی اولوب بونک مکمللاً ظاهره اخراجی شهود مستمعہ دن بو جهاتک و محمد چاوشی قتل ایدہ جکنی سوبلسیله فعل قتل ایقاع ایتدیکی زمان آرہ سنده و ایقاع ایدہ جکی جنایتک و خامتی و نتیجہ سی فکر سالم و سکونتله دوشونہ بیلہ جک بر زمان کچوب کچمدیکنک صورت عمیقہ ده استیضاحنه متوقف ایکن بورالرینک تعمیقندن ذهول اولنسی و ضبط نامہ نیک اون دردنجی صحیفہ سنده افادہ سی مضبوط شاهد حاجی داودک تعریفات قانونیه داره سنده امر تحلیفک اجرا ایدلماسی و مریم اظهار حق ضمننده محکمہ قراریلہ جلب ایدلمش شاهدلرندن اولدینی ورئیس محکمہ نیک جلب ایتدیکی شهوددن ماعداسنک بشقه برمانع قانونی بولندجہ مع التحلیف استشہادنندن صرف نظر اولنہ میه جنی امور بدیہ یی اولدینی حالده مذ بورہ نیک معلومات قیلندن اوله رق استماع قلنمش و هر ایکی قتل حقندہ کی دلائل و اخباراتک واضحاً ارائہ سی لایک قسماً مع القسم شهودک شہاداتی کی تعبیرات عمومیه استعمال ایدلمش اولسی مخالف قانون اولدینی بیانیله اعلام مذکورک حکم جنائی قسمنک نقضی طلب اولنمشدر .

حکم جنائیدن طولایی تدقیقات تمیز به اجرا اولندقدہ شهودک افاداتندن نمایان اولدینی اوزره متهم النده روولور اولدینی حالده محمد چاوشه اوراجغنی راست کلدیکنه سوبلیہ رک مرقومی اولاً حیوان بازارنده و بولہ مینجه خانه سنده آرادینی و حیوان بازارنه کلدیکنی استخبار ایتسی و احوال ایلہ حیوان بازارینه کلکده بولنان متهمی

کورمسی اوزرینہ مرقوم محمد چاوشک مجرد کوردیکی محبوم واقعه قارشی مدافعت نفس ایچون قازمه صابنی الہ آتش اولمسی مہمک افعال واقواندن نمایان اولان تعمیدنی تہورہ تبدیل ایتیمہ جکی بدہمی بولندیغنه مہمی و مہمک محمد چاوشی قتل ایدہ جکم سوزینی ایقاع قتل دقیقه سنہ قدر تکرار و بوسوزلرینک مدلول ظاہریسی اولان تعمیدی فعلہ کتورمک اوزرہ مقتولی مستمراً تحری ایتدیککی شہادات واقعه ایلہ متحقق اولسنہ بناءً مہمک محمد چاوشی قتل ایدہ جکم سوزیلہ فعل قتل ایقاع ایلدیککی دقیقه آرسندہ کی مدتک تعمیق ایدلماش واستماع قلنان مریمک مہمک زوجہ سی عد اولتمق سبب قانونیسنہ مہمی تحلیف قلنامش و مہمک طرفندن محمد چاوشک قتل حقندہ کی دلائل و اخباراتک واضحاً ارانہ اولنماش بولنسنہ متعلق تبلیغنامہ درمیان ایدیلان اعتراضات مبحثہ مستثنی اولمق اوزرہ تعریضات سائرہ وارد اولقلہ برابر ذکیہنک مقتولی اولان خانہ یہ محمد چاوش پخرہ دن کیرہ رک مرقومہ می قتل ایتدیککی مریمک سولسی اوزرینہ پخرہ دن اوطیہ کیرمک قابل اولوب اولمیدنی ا کلاشملق ایچون کشف ایدلماش و مہمک علی ذکیہنک قتل اولندیغنی کیجہ ہمشیرہ سی حسناتک خانہ سندہ یتوت ایلدیککی بیان ایتمش اولدینی حالہ بوجہتک تحقیقی جہتہ کیدلماش و محمد چاوش طرفندن ذکیہنک قتل ایدلسنہ سبب آرہ رندہ موجود اولان عداوت سائقہ سیلہ کندیسنی قتل ایتمک ایچون خانہ سنہ کش اولان محمد چاوشک کندیسنی بولہ مامسی اوزرینہ زوجہ سی مرقومہ می اتلاف ایتدیککی مہمک علی ایلک محاکمہ دہ سولیش اولدینی حالہ دردنجی جلسہ دہ ویردیککی عرض حالہ زوجہ ثانیہ سی مرقومہ مریم ایلہ محمد چاوشک مناسبات غیر مشروعہ دہ بولنہ کلدیککی سبیلہ ایلہ وقعہ دہ ینہ اومقصدلہ خانہ سنہ کلوب مرقومہ مریم ایلہ مناسبات غیر مشروعہ دہ بولندیغنی ذکیہنک کوردیککی مرقوم محمد چاوش حس ایدرک مریم ایلہ اولان بوسرلرینی فاش ایتامسیچون ذکیہنی قتل ایتدیککی یازمش و مندرجات عرض حالی شفاہاً دخی تکرار ایش اولدینی حالہ تظاہر حقیقتہ مداری ظاہر اولان بومبایتک حملندن ذہول ایدلش و ذکیہنک مہمک علی طرفندن قتل ایدلنک سبب اولمق اوزرہ وقوع فریادی مہمک تشدید تہورینہ باعث اولان چوجغنی ذکیہنک ضرب ایتمش اولمسی مریم افادہ استنطاقیہ سندہ سولیشیکن ذکیہنک اویلہ بر چوجغنی بولنوب بولندیغنی تحقیق اولنماش و مہمک علینک صورت غیر مشروعہ دہ تصرف قاهرانہ سندہ بولندیغنی سولنیلان مرقومہ مریمک مہمک مواجہہ سندہ افادہ استنطاقیہ سی تحویل و تبدیل ایلنیلہ مستور قالان حقیقتک ظاہرہ اخراجی مقصدیلہ مہمک مرقوم علی بی محاکمہ سالونندن چیقہرہ رق مرقومہ نک ذہنی اشغال ایتدیککی ملحوظ بولنان مہمک مرقوم علینک تہدید و تخویفندن نصایح قانونیہ ایلہ بعدالتظہیر مرقومہ می سولیمک و سولیلہ جکی حقایق بعدہ ایجابنہ کورہ یا مرقومہ نک و جاہندہ و یاخود غیابندہ مہمک مرقومہ افہام ایتمک صورتیلہ تدبیر قانونیہ بہ مراجعت ایدلماش و مہمک ایلہ مقتول محمد چاوش آرہ سندہ بولندیغنی مروی اولان عداوت سابقہ وجودی قید رسمی ایلہ تبیین ایتدیرنامش و شاہد لردن حاجی داود ایلہ عبدالرحمانک اصول جزائیہ نک ۲۶۸ نجی مادہ سی تعریفانہ موافق تحلیف اولندقلری کوسترنامش ونعین جزا حقندہ نہ دیہ جکری مہمک و وکیلندن صورلماش اولمسی دہ مستلزم نقض اسباب قانونیہ دن اولدیغندن اصول محاکمات جزائیہ قانوننک ۳۱۴ نجی مادہ سنہ توفیقاً حکم مذکورک تقضیلہ اوراقلک محلہ اعادہ سنہ وایکیوز غروش اعلام خرجنک تحصیلہ ۲۰ کانون اول ۳۲۵ تاریخندہ قرار ویرلدی .

محکمہ تمیز جزا دائرہ سندن صادر اولان ۱۸ اغستوس سنہ ۳۲۶ تاریخی و ۳۲۱۹ نومرولو اعلام صورتیدر :

« تہدید نامہ دن معنی تہدیدک نہ صورتلہ استخراج واستنباط قلندیغنی حقندہ کی اسباب موجبہ نک مجرمیت قرارندہ تمامیلہ توضیح اولنامسی نقض حکمی مستلزمدر »

وان ولایتی استیناف محکمہ سی جزا دائرہ سندن تنظیم واعطا قلنان ۱۳ تموز سنہ ۳۲۶ تاریخی و سکسان بش نومرولو اعلام ایلہ اوراق متفرعہ سی باش مدعی عمومیلک مأموریت علیہ سندن تصدیق طلبنی متضمن ۱۱ شعبان سنہ ۳۲۸ و ۳ اغستوس سنہ ۳۲۶ تاریخی وایکی بیک طقوز یوز الی بش نومرولو تبلیغنامہ ایلہ محکمہ تمیز جزا دائرہ سنہ اعطا اولنشددر .

اعلام مذکورک خلاصہ مآلی وانک جانباز اوغلی محلہ سندن وارطان اوغلی قصبہ تہدید آمیز مکتوب ارسال ایلدیککی ادعا قلنمسندن دولانی بجنایتلہ اتہام اولنان بزیک بغوص اوغلی ارمناقلک اجرا قلنان محاکمہ علنیہ سی نتیجہ سندہ مہمک مرقومک فعل مدعا بہہ جرأتی کندوسنک اول و آخر وقوع بولان اقراری وشاہدہ اغلوینک مع القسم واقع اولان افادہ سیلہ ثابت اولدیغندن مجرمیتہ وحرکتہ تطابق ایدن قانون جزانک یوز طقسان برنجی مادہ سنک فقرہ اولیسنہ توفیقاً اوچ سنہ مدتلہ کورکہ قولنسنہ حکم اولندیغندن عبارتدر . کافہ اوراق دعوی بعدالمطالعہ تدقیقات تمیز بہ اجرا اولندقدہ کرچہ تبلیغنامہ دہ اعلامک تصدیقی طلب اولنیور ایسہ دہ تہدید حای اولندیغنی دعوی اولنان مکتوبلرک معانی و مندرجاتی مدعی قصبہر حقندہ طوغریدن طوغری بہ بر مضرت ایقاع ایدیلہ جککی متضمن اولیوب بو مضرت مہمک ایستدیککی قری . آلا جق آدمہ معطوف بولنسنہ سیلہ مکتوبلرک مرسل الیہمی عد اولنان مدعی مرقوم قصبہرک ذاتنہ نہ وجہلہ تعلق ایلدیککی وبالخاصہ مذکور مکتوبلرک مجرمیت قرارندہ مندرج فقرہ سندن مہمک مدعی قصبہری قتل ایدہ جکی بولندہ کی معنی تہدیدک نہ صورتلہ استخراج واستنباط قلندیغنی حقندہ کی اسباب موجبہ نک قرار مذکور دہ تمامیلہ توضیح اولنامسی مخالف قانون و مہمک طرفندن ویریلوب میان اوراقدہ بولنان لایحہ تمیز بہ مندرجاتی دہ بو طریقہ بجاکوردلیکسندن اصول محاکمات جزائیہ قانوننک اوچیوز اون دردنجی مادہ سنہ توفیقاً اعلام مذکورک نقضنہ و احکام قانیہ دائرہ سندہ ایفای معاملہ اولتمق اوزرہ اوراقلک محلہ اعادہ سنہ وایکی یوز غروش اعلام خرجنک ایلرودہ حقسز چیقہ جق طرفندن تحصیلہ ۱۱ اغستوس سنہ ۳۲۶ تاریخندہ قرار ویرلدی .

محکمہ تمیز جزا دائرہ سندن صادر اولان ۷ اغستوس سنہ ۳۲۶ تاریخی و ۲۹۷۸ نومرولو اعلام صورتیدر :

« حقوق عمومیہ شہودندن اقامتکای مجہول اولان برشاہدک محل اقامتکای بالتحقیق ایجاب حالہ کورہ معاملہ اجرایی ویاخود استنباط اصولہ مراجعت اولمسی لازم کاورکن بو طریقہ توسلندن ذہول ایدلسی و نقض اولنان بر اعلامدہ نقطہ نقضدن مقدم معاملات غیرمنقوض و آتی تعقیب ایدن معاملات ایسہ کان لم یکن حکمندہ بولنقلہ نقطہ نقضدن صوکرہ جریان ایدن معاملہ نک تجدیداً و اصولہ توفیقاً اکالی واجب ایکن بوقاعدہ رعایت اولنامسی نقض حکمی مستلزمدر »

قرہ حصار صاحب سنجانی بدایت محکمہ سی جزا دائرہ سندن تنظیم واعطا قلنان ۱ جمادی الآخر سنہ

۳۲۸ و ۲۶ مایس سنه ۳۲۶ تاریخی و یوز الی بش نومرولو اعلام ایله اوراق متفرعه سی باش مدعی عمومیک مأموریت علیه سندن نقض طلبی متضمن ۳ شعبان سنه ۳۲۸ و ۲۶ تموز سنه ۳۲۶ تاریخی وایکی بیک یدیوز سکسان سکیز نومرولو تبلیغنامه ایله محکمه تمیز جزا دائره سنه اعطا اولمشدر .

اعلام مذکورک خلاصه مالی اوچیوزیکرمی درت سنه سی تموزینک اونجی کونی بولوادین قضا سنک قوریجه اووه قره سندن حاجی مصطفی اوغلی بیرامک قتلندن دولای جنایتله متهم اولان قریه مذکورلی مریم اوغلی قره علینک محکومیتی حقنده مقدما ویریلان اعلامک تمیزاً بالتدقیق اسباب قانونیه مبنی نقض واعاده اولنسی اوزرینه اخیراً جریان ایدن محاکمه علیه سی نتیجه سنده متهم مرقوم قره علینک تعمداً قتل مذکوره جراتی مع القسم و علی الدرجات واقع اولان شهادت و حصر ادعا و معاینه راپوری مندرجاتیله ثابت اولدیغندن مجرمیتنه و حرکته توافق ایدن قانون جزانک یوزیمشجی ماده سنه توفیقاً اعدامه حکم اولدیغندن عبارتدر . تبلیغنامه مفادی دخی ۲۴ اغستوس سنه ۳۲۵ تاریخی محاکمه ده شاهد سلیمانک جلب واستماعی حقنده اتخاذ اولنان قرار زیرنده هیئندن ایکی ذاتک امضاسنک بولنامسی و فعل قتلده تعمداً وجودینی مثبت اولان دلائل قانونیه نک توضیح اولنامسی بولسر و قانونه مغایر اولدیغی بیانیله اعلام مذکورک نقضی طلبی حاویدر . کافه اوراق دعوانک مطالعه سندن صکره تدقیقات تمیزیه اجرا اولندقد اعلام سابق حقوق عمومی شهوندن استکلی اوغلی اسماعیلک استماعی ایچون محل اقامتک جهت عسکریه دن استفساریله انه جق معلومات اوزرینه معامله اجراسی و یاخود استنباه اصولنه مراجعت اولنسی لازم کلیرکن بو طریقه توسلندن ذهول ایدلمش اولقدن ناشی نقض اولنمش اولسنه نظراً نقطه نقض شاهد مرقومک افاده مضبوطه سنک قرائتیه اکثفا ایدلسنه دائر ویریلان قرار اولوب بوقراری تقدم ایدن معاملات غیر منقوض و قرار مذکورک تعقیب ایدن معاملات ایسه کائن لمیکن حکمنده بولمغله یکیدن اجرا ایدیالان محاکمه ده تمیز اعلامی بعدالقرائه نقطه نقض تعیین ایدیله رک آکا کوره اعلام سابقده نقض اولمیان قسمنک اعلام لاحقه درجی و نقطه نقضندن صکره جریان ایدن معامله نک تجدیداً و اصولنه توفیقاً اکالی واجب ایکن بو قاعده یه رعایتندن ذهول اولندیغی ووقعه نک کونی وساعتی لایقیه کوسترلدیکی کی قتلک سبب و قوعی اولان منازعه دن متحصل شهودک منازعه دقیقه سیله فعل قتلک وقوعه کلیدیکی دقیقه آراسنده زائل اوله بیله جکی قدر بر مدت کجوب کچمدیکی جهتنک بالذاکره قرارلاشدیرلماش و تبلیغنامه ده بیان اولندیغی اوزره تعمداً اسباب موجب سنک مجرمیت قرارنده ایضاح اولنامش اولسی نقض حکمی مستلزم اولقله اصول محاکمات جزائییه قانوننک اوچیوز اون دردنجی ماده سنه توفیقاً اعلام مذکورک دخی نقضه و احکام قانونیه دائره سنده ایفای معامله اولنقی اوزره اوراقنک محلی محکمه سنه اعاده سنه وایکیوز غروش اعلام خرجنک ایلروده حقسنر حقیقه جق طرفدن تحصیلنه ۳ اغستوس سنه ۳۲۶ تاریخنده قرار ویرلدی .

قانونیه سنه

اصول استماع دعوی

— اون سکیزنجی نسخه دن مابعد —

۲۵ — برکیمسه نک یدنده کی خانه ایچون مدعی نیم تحت اجاره مده در فلان آدم بکا ایجار ایتدی دیه ادعا و ذی الید نیم زیر اجاره مده در آخر فلان بکا ایجار ایلدی دیه دعوی ایله بونلر یکدیگره خصم اولورلر . بونده موجرلرک حضوری شرط دکلددر .

۲۶ — مدعی ، بو عقار فلان غائبک ایدی بو مدعی علیه آندن اشترا و قبض ایلدی بن آنک شفیعیم بالشفعه طاب ایدرم دیه دعوی و ذوالید بولنان مدعی علیه بو عقار ذاتاً نیم ایدی کمنه دن آلمدم دیه انکار مدعا ایتدکده عند امام الثانی بونلر یکدیگره خصم اولورلر . بونده حضور بایع شرط دکلددر .

۲۷ — برکیمسه بر مالی اشترا ایدوب هنوز قبض ایتدن بایع یدندن بر غاصب غصب ایتدیکی صورتده نظرا و انور . مشتری ثمنی معجلا بایعه و یرمش یاخود ثمن مبیع مؤجل بولنش ایسه بودعواده خصم مشتریدر . یعنی مشتری غاصبدن دعوی ایده بیلور . والا خصم بایعدر .

۲۸ — بایع بر مالی زیده صاتوب فقط هنوز پاره سی آلمدن برده عمروه صاتوب تسلیم ایتسه مشتری اول مشتری ثانی علیه نه دعوی ایده بیلور . لانه یدعی المملک لنفسه و ذوالید یعارضه لکن بدون تسلیم الثمن لایأخذ من ید ذی الید .

۲۹ — مال مضارب دعوی ایدیله جک اولدقد ربح واریسه مقدار ربحده خصم مضاربدر . فضله سنده رب المالدر . اما ربح موجود دکسه خصم رب المال اولور .

۳۰ — دعوانک بر قسمی ایکی وکیل بالخصومه دن بریله دیکری ده اوبریله رؤیت اولنه بیلور .

۳۱ — دعوانک بر قسمی مؤکلک حضوریه اوبر قسمی ده وکیلک مواجهه سیله فصل ایدیله بیلور .

۳۲ — دعوانک بعض جهاتی مورث مواجهه سنده رؤیت ایدلمشکن وفات ایدنجه بقیه اقسامی وارث محضرنده فصل ایدیله بیلور .

بناء علیه مدعی مورث مواجهه سنده بر شاهد اقامه ایتسه ده مورث مرقوم وفات ایتسه وارثی مواجهه سنده دیکر شاهی اقامه ایده بیلور .

ثانياً مدعى عليك اقرارى صحيح اولماز يعنى آنك اقرارى تقديرنده اقرارى اوزرينه بر حکم ترتب ايتمز ايسه انكاريله دعواده واقامه بينه ده خصم اوله ماز . زیرا بينه آنجق خصم منكر اوزرينه اقامه اولنور . بوكا متفرع بعض مسائل :

۱ — برکيسنه نك ينده بولنان برعيني ديكر كمنه بندر غائب فلاندين صاتون آلدن ديه دعوى واو كمنه بونى اقرار وتصديق ايتسه بينه حاكم او كمنه ي عین مذکورى مدعى به تسليم ايتسيه محكوم ايتمز . زیرا او كمنه نك بو تصديق غير عليه يعنى غائب فلانك مضرتنه اقرار اولور . بناءً عليه بو تصديق اقراردين معدود اوله ماز .

۲ — مدعى ، برکيسنه نك ينده اولان مال ايچون « بو مالى غائب فلان طرفدن بالوكاله سندن صاتون آلدی » ديه دعوى ايتسه صحيح اولماز ولدى الانكار بينه استماع ويمين تكليف اولنه ماز .

۳ — مدعى ، سنك شرايه وكيك اولان فلان كمنه عقدى نفسنه بالاضافه شومالى بندن يوز غروشه آلدی ثنى وير ديه دعوى ايتسدكده وكيك اولوجهله اشتراسنى مدعى عليه اقرار ايتسه دخی مجله نك ۱۶۴۱ نجى ماده سنك فقره ثلثه سنه بناءً ثمن ميبى مدعى به دفع وتسليمه مجبور اولماديني جهته انكار ايتديكى صورتده مدعى به خصم اولماز . او حالده مدعينك دعوى ويته سى استماع اولنماز .

۴ — شراء فاسد ايله مشترى ميبى بايعدن قبض ايتدكجه او مبيع بندر ديه ادعا ايدن كمنه به خصم اولماز . بونده خصم يالكنز بايعدر .

۵ — بيع باطل ايله مشترى مستحقه خصم اوله ماز .

مثلاً برکيسه ميه يعنى لاشه مقابلنده برمالى اشترا وقبض ايتدكدن صكره ديكر كمنه چيقوبده او مال بندر ديه مشترين دعوى ايتسه بودعوى صحيح اولماز .

۶ — برکيسه برمالى ديكر كمنه به هبه وتسليم ايدوب او كمنه نك ينده ايكن شخص ثالث او مال ملكمدر ديه اول كيمسهدن دعوى ايتسه صحيح اولماز .

۷ — زيد متوفانك ورثه سى زيدك عمرو ذمتنده اولان شوقدر آچه سنى قبضه بكرى توكل ايدوب بكر دخی مبلغ مزبورى عمرودن آلسه بكر مجرد مبلغ مزبورى قبضه ورثه نك وكيكلى اولمغله بعض كمنه نك زيد ذمتنده اولان حقلى نى بكرك يوزينه دعوى واثبات ايدوب مبلغ مزبوردن آلمغه حقلى اوله ماز .

۸ — داین مديون متوفانك مديونى مواجهه سنده آله جفى ادعا واثبات مدعا ايدمه ماز .

دعوانك تقسيمات عديده سى .

۱ — دعواى صحيحه در .

دعواى صحيحه اوزرينه احضار خصم ، مطالبه الخصم بالجواب ، لى الانكار اثبات بالينه ، وجوب يمين واحضار مدعا به كى احكام ترتب ايدن دعوا در .

مثلاً مدعى ، فلان آدم بغير حق شوبله برساعتى آلدی اعاده سنى طلب وادعا ايدرم ديه دعوى ايتدكده بودعوى صحيح اولور . بونك اوزرينه مدعى عليه محكمه به دعوت ايديلور . مدعى دعواسنى بوجه مشروح تقرير ايتدكده جواب ويرمى خصوصى مدعى عليه امر اولنور . مدعى عليه انكار ايتدكجه مدعين بينه طلب ايديلور .

۲ — دعواى فاسده در .

دعواى فاسده اصلاً صحيح فقط اوصاف خارجيه سى اعتباريله غير مشروع اولان دعوا در . مدعا به مجهول بولمق كى . بودعوى حال حاضريله قبوله شايان دكلسه ده قابل اصلاح در . يعنى مدعى به مدعا بهى بيان وايضاح ايتسى امر اولنور .

بو صورتده محكمه بو دعواى همان رد ايدمه چكى كى اسباب حكمت استحضاريله دخی اشتغال ايدمه ماز . مدعى ، بودعواى اصلاح وسبب فسادى ازاله ايدر ايسه محكمه آرتق دعوانك حل وفصلنه ايتدار ايدر . اصلاح ايتزه دعواسنى رد ايلر . بوردد مدعينك بوتون بوتون سقوط حقى مستلزم اولماز .

يوما من الايام دعواسنى بالاصلاح اصولى دائره سنه تجديداً اقامه دعوى ايدمه ييلور .

مثلاً مدعى فلان دكان بنم ايله مدعى عليه آره بنده مشترك اولوب مدعى عليه آنى خيلى مدتدر كرايه ويرمكده وكراسنى كاملاً اخذ ايتكده در . حصه سى ويرسون ديه دعوى ايدوب فقط دكانده كندى حصه سى تقدردر ومدعى عليه مقدار كرا اخذ واستيفاء ايلشدر بوجه تيرنى ايضاح ايلسه محكمه دعواسنى رد ايلر .

۳ — دعواى باطله در .

دعواى باطله اصلاً صحيح اولمیان دعوا در . بودعوى قابل تصحيح اولمدينى جهته بونك اوزرينه احكام دعوى ترتب ايلز . يعنى دعوانك ثبوتى تقديرنده خصم اوزرينه بر شى لازم كلز . مثلاً بر كمنه قومشوم فلان زكنيندر بن ايسه فقيرم صدقه ويرميور ويرسون ديه دعوى ايتسه صحيح اولماز .

نته كيم برکيسه ديكر كمنه نك وكيك ديه ادعا واوده انكار ايلسه صحيح دكلدر . زیرا وكالت عقود لازمه دن اولمديندن انكارى وكالتدن عزل اولور .

كذلك مدعى ، شومدى عليك متصرف اولدينى دكانك علوى وهواسى بنم اولمغله علونده خان انشا ايتك اوزره مذکور دكانى مجدداً انشا ايتديكم صروده طريق عامه بالتجاوز ۳۵ آرشون مقدارى دكان مذكوره طريق عامدن ير قاتدم بونى مدعى عليه ترك ايدميورم مدعى عليه دخی مذکور دكاندن بنم خانه موازى اولان جهتن ومدعى عليه عائد اولان قسمدن بكا ۳۵ آرشون مقدارى ويرسون ديه دعوى ايتسه بو دعوى باطل وغير قابل اصلاح اولمغله رد ايدملك لازم كلير . زیرا

اولاً ، مدعى مجله نك ۱۲۱۷ نجى ماده سنده بيان اولنان صورتك غيرى بوجهله طريق عامه تجاوزله اخذ ايتديكى ير كندى مالى اوله ميه جنى جهته بونى بشقه سنه تملك ايدمه ماز .

ثانياً ، مدعى او محله مالك اولديني فرض ايدلسه بيله مبادله ومقايطه رضاي طرفينه منوط ومتوقف اولغله محكمه بوكي مواضعده مبادله اجبار ايدمهز . وكذلك مدعى ، فلان مؤسسه ماليه شويله برعقارمي ترهين مقابلنده بكا شو قدر آلتون اقراض ايتمكي وعد ايتديكي حالده وعدنده بالخلف اقراضدن امتناع ايتمكده اولغله اقراضه اجبار ايدلسون ديه دعوى ايتسه استماع اولنه ماز .

۴ — دعوى المراددر .

دعوى المراد دخي دعاوى باطله قيبندندر . شويله كه مدعى ، شومدعى عليه مالى آلق ياخود بخي اضرار ايتمك ايتسيور ديه دعوى ايتسه بو دعوى مسموع ومدعى عليه جوابله مطالب اولماز .

۵ — دعوى دفع نزاعدر .

دعوى دفع نزاع دخي دعاوى باطله دن اولغله استماع اولنه ماز . شويله كه مدعى ، شو مدعى عليه بنندن بر شي دعوى ايدمك ايتسه دعوى ايتسون والا ذمتك بري اولديني حضور محكمه ده اعلان وتصديق ايدلسون ديه دعوى ايتسه استماع اولماز . زيرا حق مدعينكدر . ديگرسه شمدي ايتسه آتيدده دعوى ايدر . ايتسه ايتسه بالكليه ترك ايلر .

۶ — دعوى دفع تعرضدر .

دفع تعرض دعواى صحيح ومسموعدر . شويله كه مدعى ، شو مدعى عليه فلان خصوصه بكا بغيرحق تعرض ايدسيور . دفع تعرضنى طلب ايدرم . ديه دعوى ايتسه بو دعوى مسموع اولور . مدعى عليه تعرض واقعهده محق اولديني اثبات ايدمهز ايتسه حاكم آنى تعرضدن منع ايدر .

۷ — دعوى ممنوعه در .

استماعى قانوناً ممنوع اولان دعاوى به دعاوى ممنوعه اطلاق اولنور . بونلرده شونلردر .
اولا مرور زمان واقع اولان دعواى استماعدن حكام ممنوعدر .
مرور زمان ادعاسى يالكنز مدعى عليه اقرار واعترافيله منافع اولور .
مرور زمان دعواى محاكماتك هر درجه سنده درميان اولنه بيله چكي كبي طرفيندن بري جانبندن ادعا ايدلسه بيله محكمه رأساً نظر اعتباره آلمغه مجبوردر .

مرور زمان محاكماتك نظر اعتباره آلمسى لازم كلور ايتسه ده حاكم مرور زمانى نظر دفته آله ماز .
بناءً عليه حكام اون بش سنه مرور ايدن بر دعواى فصل ورؤيت ايتسه جائز وحكمى نافذ اولور .
حتى ايكي كيمسه حاكمى بر دعواى فصل ورؤيت ايجون حكام تعيين ايتسه لرده بو حكام اون بش سنه مرور ايتش بر دعواى فصل وحسم ايتسه صحيح اولور .

ثانياً مستغلات وقفيه نك فراغى ميين دفتر خاقانى سندنده فراغ قطعى ايتسه استغلال ايتسه استغلال

اولارق اعتبار اولنوب خلاف تمسك وقوع بولان دعاوى به اصلاً اعتبار ومحكمه لرده استماع اولنماسى ۲۸ ربيع الآخر سنه ۱۲۷۴ تاريخنده اراده سنيه صادر اولمشدر .

مؤخر آ ۱۹ ذى الحجه سنه ۹۲ تاريخنده صادر اولان اراده ايله مارالذكر اراده تعديل ايدلمش ومدعى عليه اقرارى ياخود طرفندن ويرلمش سند اولمدجه مسقطات ومستغلات موقوفه ده مواضعه دعواى نك عدم استماعى فرمان بيورلمشدر .

ثانياً عقارات مملوكيه دائر اولان بيع وشرا معامله رسميه به اقتران ايتمكجه يعنى دفتر خاقانى اداره لرنده بيع تقرير ايدلمكجه بيع وشرايه متدائر دعواى نك استماعى ۱۷ ايلول سنه ۱۳۱۸ تاريخنده باراده سنيه منع ايدلمشدر .

بيع وشرا ممنوعيت تاريخندن مقدم اولديني ادعا واثبات اولنور ايتسه بودعواى نك استماعى لازم كله چكي محكمه تميزك هيئت عموميه سنده تقرير ايتمشدر .

لكن بيع وشرا تاريخ مذكور دن مؤخر اولور ايتسه بودعواى نك عدم استماعى يعنى ردى لازم كلور .

شايد بالاستماع حكام اولنور ايتسه نقض اولنور .

رابعاً عقارات مملوكه بيع و صورت رسميه ده تقرير معامله سى اجرا ايديلوب ده سند خاقانى اعطا اولندقدن صكره مذكور سندنده مندرج اولميان رهن و شرط و وفاء واستقلال دعواى نك استماعدن حكام منع ايدلمشدر . بوممنوعيت ۲۸ رجب سنه ۹۱ و ۲۸ اغستوس سنه ۹۰ تاريخنده واقع اولمشدر .

خامساً طابو سندنده مندرج بولميان بسلامك شرطيله اراضى اميريه نك فراغى دعواى نك استماعدن منع ايدلمشدر . بوممنوعيت ۶۸ صفر سنه ۳۰۶ و ۱۲ تشرين اول سنه ۳۰۴ تاريخنده واقع اولمشدر .

سادساً سند خاقانى سندنده مندرج بولميان بسلامك شرطيله مستغلات وقفيه نك فراغى دعواى نك استماعدن حكام ممنوعدر .

سابعاً طابو سندنده مندرج بولميان وفاء فراغى دعواى نك استماعدن حكام ۲۶ صفر سنه ۷۸ تاريخنده منع ايدلمشدر .

ثامناً اراضى قانوننك قرق برنجى ماده سنده بيان اولنديني اوزره خليط وشريكك حق رجحان دعواى بش سنه صكره استماع اولنماز .

تاسعاً اراضى قانوننك قرق درنجى ماده سى موجبجه اوزرنده ديكر ملك ابنيه يا اشجارى بولنان اراضى ، متصرفى طرفندن آخره فراغ اولندقدن اون سنه صكره ابنيه واشجار صاحبك حق رجحان ادعاسى استماع اولنماز .

عاشراً قانون اراضينك قرق بشنجى ماده سندن مستفاد اولديني اوزره برقرينه نك حدودى داخلنده اولوب باطابو تصرف بولنان اراضى نك متصرفى بولنان كيمسه ديكر قريه اهايسندن بر كيمسه به فارغ اولديني حالده

اراضينك بولنديني قريه اهاليسندن يره ضرورتي اولانلره اراضى مذكورينى بدل مثل ايله بر سنه يه قدر دعوى ايده بيلور ايسه ده بر سنه صكره دعواسى استماع اولماز.

حادى عشر ، احباب انتقالى اولماق جهتيه محلول اولان اراضى اميريه اوزرنده ملك ابنيه يا اشجارى بولنان كيمسه ايچون ثابت اولان حق طاپو دعواسى اون سنه صكره استماع اولماز .

ثانى عشر ، مذكور اراضيده خليط و شريك ايچون ثابت اولان حق طاپو دعواسى بش سنه صكره استماع اولماز .

ثالث عشر ، مذكور اراضيده يره ضرورتي اولانلر ايچون ثابت اولان حق طاپو دعواسى بر سنه صكره استماع اولماز .

رابع عشر ، يوزده طقوزدن زياده ربح ملزم دعواسى استماع اولماز .

خامس عشر ، سندات صحيحه و معتبره ايله بروجيه ملكيت تصرف اولنان كدكرك مستقر اولدقارى محلدن اخراج و محاسنى ضمنتده ملك صاحبلى طرفندن دعوايه تصدى اولنور ايسه بودعواي استماعدن حكام ممنوعدر .

سادس عشر ، شفعه ده طلب خصومت بلا عذر بر آي تأخير اولنور ايسه آندن صكره شفعه دعواسى استماع اولماز .

شروط دعوى :

دعوانك شروطى طقوزدر .

۱ — طرفينك يعنى مدعى ايله مدعى عليهك عاقل اولمليدر .

۲ — مدعى عليهك معلوم اولمليدر .

۳ — خصمك حضوريدر .

۴ — مدعا بهك معلوم بولمليدر .

۵ — اقرارك سبب ملك اتخاذايدلماسيدر .

۶ — دعوانك محتمل الثبوت اولماسيدر .

۷ — دعوانك ثبوتى تقديرنده مدعى عليهك برشى ايله محكوم ايدلماسيدر .

۸ — دعوانك مجلس قضاده اولماسيدر .

۹ — دعواده تناقض بولنماسيدر .

اركان دعوى :

اركان دعوى و حكم شونلردر .

مدعى
مدعى عليه
در .

مدعى ايله مدعى عليهك آرسنى فرق و تميز ايتك دعوى كندى اوزرينه بنا اولنان مسائلك اهمنددر . بونلك آرسنى تميز ايدلمكجه اقامه بنيه ايله مكلف اولان ايله يمين كنديسنه متوجه بولنان كيم اولدينى معلوم اولماز . و بناء عليه دعوانك حل و فصلى ممكن اولماز .

بر شخصك كلامى بعضاً دعوى صورتنده كورنديكى حالده معنى دعوى اوليوب انكار اولور . مودع ايله مستودعه اولدينى كبي .

شويله مودع مستودعدن وديعه سنى طلب ايتديكنده مستودع وديعه يى رد و اعاده ايتش اولدينى ادعا ايتسه مستودع سورة مدعى ايسه ده معنى لزوم رد و ضامنى منكر اولمغله بونده مدعى عليه صفتنده بولنان ينه مستودعدر .

بوصورته مستودع ، اوزرينه رد و ضمان لازم كيديكنه يمين ايدر . مودع ، رد وديعه يى انكار ايتدكده حقيقه منكر دكلدر . بناء عليه وديعه يى قبض ايتديكنه مدعى بولنان مودع تحليف اولنه ماز . چونكه يمين مدعى يه توجه ايلمز .

۳ — مدعا بهدر .

مدعا به معلوم اولملى شرطدر .

يعنى هم اصل دعواده كي مدعا به و همده دفع دعواده كي مدعا به معلوم اولملى لازم كلور . زيرا مدعا به معلوم اولمسه آكا اشارت و آنى حكم ايتك و مدعينكدر دنيله جك نسنه ميدانده اولماز .

بوصورته مدعا به مجهول اولور ايسه دعوى صحيح و خصم اعطاق جوابه مجبور اوليه جنى كبي منكر اولان مدعى عليه اوزرينه بنيه اقامه يامدعى عليه استخلاف اولنه ماز .

بناءً عليه دعاوى آتیه شايان استماع دكلدر .

اولا بر كيمسه بو آدم بنم مالى استهلاك ايتدى ديه دعوى ايدوب مستهلك نه دن عبارت ونه مقدار ايدوكنى بيان ايتسه صحيح و خصمنى تحليفه حق اولماز .

ثانياً بر كيمسه بو آدم شريك اولوب اخذ و اعطاده بكا خيانت ايتدى فقط نه قدر خيانت ايتديكنى بيلمم مدعى عليه بيان ايلسون ديسه استماع اولماز .

ثالثاً ، بر كيمسه بو آدم وصيم ايدى بن صغير ايكن پدرمك تركه سندن اخذ و سرقت ايتديكنه يمين ايتسين ديسه تعيين مدعا ايتدن دعواسى استماع اولماز . شوقدر كه خصافك ذكرينه كوره قاضى وصى اليتيمى يا خود وقفك قيمنى متهم ايدر ايسه عليه برشى دعوى ايدلمسه دخى نظرا للصغير والوقف وصى يه و متولى يه يمين ويرر .

رابعاً ديونى تركه سندن از يد اولدينى حالده وفات ايدن بر كيمسه نك داينى تركه دن نسنه اخذ و اخفا ايتدكارينه دائر ورثه نك تحليفى طلب ايتسه بو طلب اسعاف ايدلمز .

خامساً، برکیمسه ایشتمکه فلان متوفی بکا وصیت ایلدی مقدارینی بیلیم دیه دعوی ایتسه استماع ایلنر.
سادساً، مدعی علیه مدعی به بورجم بولنان مبالغت بر مقدارینی اوده دم مقدارینی بیلیمورم یا اونو تدم دیسه
بودفعه التفات اولماز.

مستثنیات :

مدعا به معلوم اولمق اصل وضابطه سندن بش مسئله مستثادر.

برنجیسی، غصب مجهول } دعواسیدرکه بونلر مجله نك ۱۶۲۱ نجی ماده سنده مذکوردر.
ایکنجیسی، رهن مجهول }

اوچنجیسی، اقرار مجهول دعواسیدرکه مجله نك ۱۵۷۹ نجی ماده سنده مذکوردر.
مثلاً مدعی، بوآمدن جهت قرضدن بیک غروش آلاجم واردر. حتی بکا بر مقدار بورجی اولدیغی
اقرار دخی ایشدی دیه دعوی وبروجه مشروح بر مقدار ویره جکی اولدیغی اقرار ایلدیکنه اقامه بینیه
ایتدکده مدعی علیه بیان جبر اولنور. زیرا تجهیل مدعی علیه طرفدن واقع اولمشدر.

دردنجیسی، ابراء مجهول دعواسیدر. ابرا واسقاط ایلدن حقت معلوم اولسی شرط دکدر.

بشنجیسی وصیت مجهوله دعواسیدر.

شویله که مدعی متوفی فلان مالک بر جزئی یا بر سهمی بکا وصیت ایلدی. او جزؤ یا سهم نه مقدار
ایدوکنی بیان ایتدی. سز بیان وبکا اعطا ایدیکنز دیه ورثدن ادعا ایتسه صحیح ولدی اثبوت ورثه نك
او جزؤ یا سهمی بیان ایلاری لازم کلور. یعنی بوکا ورثه جبر اولنور.

محکمه تمیز حقوق دائره سی رئیسی

علی صبر

اسباب نقضیه

— اون سکرنجی نسخه دن مابعد —

۲۸۴ نجی ماده اقتضاسنجه بر شاهدك جلب اونوبده کلام سندن ویا خود کلوبده بین ایتکدن ویا اجرای
شهادتدن استسکاف ایل سندن ناشی جلب خرجیله دیگر شاهدك آیاب وذهاب مصرفلرینه محکوم طوتلی
ایچون هر حالده اجرای محاکمه نك مجلس آتی به تأخیر اولمش بولنسی لازمه دندر یوقسه دعوی یوم آخره
تعلیق اولنیه رق اجرای محاکمه یه اول مجلسده دوام اولمش ایسه شاهد متمد جلب و آیاب وذهاب مصارفه
محکوم طوتلاز. انجق اصول محاکمات جزاییه نك ۷۵ نجی ماده سی ایجابجه درت عدد عثمانی لیراسنی تجاوز
ایتامک اوزره جزای نقدی اعطاسیله تأدیب اولنور.

قانون مبحوث عنك اشبو ۲۸۴ نجی ماده سنك فقره اخیر سنده جنایت و جنجه دعوالرنده وقوعبولان
جلب ودعوت اوزرینه محکمه یه کلیان وکلوبده ادای شهادت ایتیان اشخاص حقنده ۸۰ نجی ماده موجبنجه
جزا ترتیبی کوسترلمش ایسه ده مذکور ۸۰ نجی ماده بوکا دائر اولیوب خصوص مذکور ۷۵ نجی ماده یه
تماس ایتکده اولدینی بعض طرفدن اشعار اولنسی اوزرینه کیفیت انجمن عدلیه یه لدی الحواله واقعا بوماده نك
فقره اخیر سنده ۷۵ نجی ماده کوسترلمک لازم کلور ایکن سهواً ۸۰ نجی ماده یازلدینی اکلاشدیغندن بومثللو
ادای شهادتدن استسکاف ایدن شهود حقنده مذکور ۷۵ نجی ماده حکمنجه جزا ترتیبی لازم کله جکی افاده
اولمغله اکاکوره ایقای مقتضاسی ۲۹ شعبان سنه ۹۸ و ۱۴ تموز سنه ۹۸ تاریخی تحریرات عمومیه
احکامندندر.

برشاهدك جلبه عدم اجابتدن طولانی کرک جزای نقدی یه وکرک آیاب وذهاب وسائر مصارفه محکومیتی
لازم کلور ایکن محکوم طوتلامسی متهم ایچون اسباب نقضیه دن عد اولنه ماز. انجق شاهدك محکوم طوتیلوب
طوتلامسی مسئله سی حقنده محکمه جه ویریلان قرارك اسباب موجبیه یی حاوی بولنسی لازمه دندر.

۲۸۶ نجی ماده موجبنجه متهم لسان عثمانی یه آشنا اولدینی حالده شاهد لسان مذکور تکلمه و بالعکس
شاهد زبان ترکی یه واقف اولوبده متهم بونک سویلدیکنی تفهمه مقتدر اولدینی صورتده بر ترجان انتخاب
و تعیین لازمه دندر. شاید لزومی درکار اولدینی حالده ترجان تعیین اولمازسه اولباده لاحق اوله جق حکم
نقض اولنور.

تعیین اولنان ترجانك تحلیف اولدینی محاکمه ضبطنامه سنه درج اولمازسه حکم واقع عندالتمیز نقض
اولنق لازم کلور.

بوکا دائر محکمه تمیزدن ویریلان اعلام اسباب آتی یه مبتنی بولنشیدی. تبلیغنامه ده اصول محاکمات
جزاییه قانوننك ۲۸۶ نجی ماده سی موجبنجه محاکمه علنیده ترجان تعیین اولنان ذاتك تحلیف ایدلامش
وسنی دخی سؤال اولنلامش اولدیغنه مبنی معاملات واقعه کأن لم یکن حکمنده اولدیغندن ولایحه اعتراضیه نك
برنجی فقره سنده کوسترلدیکی اوزره بوبابده اخبار ماده ایدن شاهدك افاده لری بیننده پك چوق مباينت
اولدینی و بو اختلاف و تباین اعلامده دخی تصدیق قلندینی حالده قانون مذکورك ۲۶۹ نجی ماده سی ایجابجه
شهادات واقعه بیننده کوریلان تغیرات و تبدلات ضبط ایدلامش ایدوکنندن و محکوم مرقوم کندی لهنده
اخبار ماده ایده جك شاهدك استماع اولنسی اثنای محاکمه ده رئیس محکمه دن طلب ایتش ایکن برکونا
اسباب موجبیه کوسترلمک سزین جلب واستماع اولنلامش اولسی دخی ۲۷۲ نجی ماده یه مخالف بولندیغندن حکم
واقعت نقضی طلب اولنشیدی.

تدقیقات تمیزیه یه ابستدار اولندقدده تبلیغنامه ده کوسترلدیکی اوزره ۲۷۶ نجی ماده حکمنجه خصوص
مذکور حقنده ترجانلق ایدن ذاتك تحلیفی اجرا ایدلامش و بوبابده اخبار ماده ایدن شاهدك افاده لرنده

کوریلان مبانیت و اختلاف و تناقض دخی ضبط اولنماش و محکوم مرقوم کندی لهنده اخبار کیفیت ایده جک شاهدلرک استماعی رئیس محکمه دن طلب ایتیش اولدینی حالده جلب و استماع قلمماش اولسی ۲۶۹ نجی و ۲۷۲ نجی ماده لر احکامنه مغایر بولندیغنه بنسأ بر موجب تبایغنامه ۳۱۴ نجی ماده موجبجه اعلامک نقضنه قرار ویرلدی .

ترجآنک اشبو ماده احکامنه ایده جکی یمین یالکز افادات شفاهییهی ترجمه ایتک خصوصنه منحصر اولوب فقط دیگر لسانده یازلمش برورقنک ابرازیله ترجمه سی لازم کلدکده ترجمان اهل وقوف صفتی حائر اوله جغندن ۴۱ نجی ماده موجبجه تحلیف اولنور .

اکمال دعوی محاکمات فاصلهیه منقسم اولسه بیله ترجمانک هراجماع علنی ایچون بشقه بشقه تحلیفی مقتضی اولنیوب برنجی دفعه ایده جکی یمین کافی عد اولنور . فقط بر ترجمان متعدد دعوالرک ترجمانلق خدمتنده بولندیریلورسه هر دعوی ایچون بشقه بشقه تحلیفی لازم کلور .

تحلیفک مدعی عمومی ایله متهمک حضورنده اجراسی لابددر . آنلرک غیابنده جائز اوله من . لسان ترجمانی جلب اولنان شاهدلردن ویا محکمه نك اعضا واجزاسندن اولماق وهر حالده یکرمی بریاشی اکمال ایتیش بولنق شرطدر . بوشرائط خارجنده تعیین اولنه جق ترجمان رد اولنه بیلور . اولبابده درمیان اولنه جق اسباب ردیه نك تقریریه قبول ویا ردینه قرار ویرمک منحصرأ محکمه جنایتک صلاحیتی داخلنده در .

۲۸۶ نجی ماده موجبجه متهمه تخصیصأ تعیین قلنان لسان ترجمانک شاهدلره دخی ترجمان تعییننده آروجه تحلیفی اجرا قلمق لازم کلور ایکن بوندن ذهول ایدلسی اسباب نقضیه دندر .

محکمه نزدنده مخصوص ترجمان تعیین ایدلمش اولدینی حالده سنک قانونک تعیین ایتدیکی درجه دن دون اولماق لازم کله جکندن بوجهتک اعلامده کوسترلماشنده برأس یوغیسه ده او دعواده طوغری ترجمانلق ایده جکنه دائر تحلیف اولنماشی موجب نقضدر .

مدعی شخصی و متهم ایله شهوده بشقه بشقه لسان ترجمانک تعیینی خصوصنده محکمه جه مشکلات کوریلور ایسه جمله سنه بر ترجمان تعیینی حالده بیله بونلر ایچون بشقه بشقه تحلیف اولنماشی نقض حکمی مستلزم اولور .

متهملره لسان ترجمانی تعیین قلنان ذاتک اسمیله درجه سنی و صورت تحلیفی ضبطنامه و اعلاماته درج اولنمازسه بو حال معاملات واقعه نك کأن لمیکن عدنی استلزام ایده جکندن بوکا دائر محکمه تمیزک متعدد نقض قرارلری وارددر .

محکمه معیتنده مستخدم لسان ترجمانی بولندیغنی حالده متهم و شاهدلر ایله مدعی شخصیلره بر لسان

ترجآنک تعیینیه اکتفا اولنشی استلزام ایدن اسباب موجب نك اعلامده کوسترلماش اولمسندن ناشی حکم واقع تمیزأ نقض اولمشدر .

۲۸۶ نجی ماده ایجابجه بودعواده هیئت حاکمه دن بولنان اعضا و اعضا ملازمی ترجمان اوله من ایسه ده خارجنده بولنان اعضا ایله او محکمه یه منسوب اولیان مأمورلر ترجمانلق ایده بیلورلر .

مدعی شخصی ایله متهم و شهوده بر لسان ترجمانی تعیین قلندیغنی حالده علی الاصول بشقه بشقه تحلیف اولنماشی موجب نقض اولنور .

محکمه نزدنده مخصوص لسان ترجمانی تعیین اولنمش ایسه بونکده ترجمانلق وظیفه سنی اجرا ایتدیکی دعوالرده ایری ایری تحلیف ایدلماشی موجب نقضدر .

بوکا دائر محکمه تمیز هیئت عمومیه سنک قرارلری وارددر . نقض واقع اوزرینه محاکمه اخیره ده اولجه متهم ایله شهوده تعیین قلمش اولان لسان ترجمانک تکرار تحلیف اولنماشی نقضی استلزام ایدر . چونکه اعلام اول بعض نواقص اصولیه دن طولانی تمیزأ نقض اولنمش و شو حالده اولکی امر تحلیفک حکمی قالماشدر . متهمه تخصیصأ لسان ترجمانی تعیین قلنان ذاتک شاهدلرده ترجمان تعییننده ایلرجه تحلیفی اجرا قلمماش اولدیغنه دائر تبایغنامه ده مندرج مطالبه وارد و ۲۸۶ نجی ماده ایجابجه معاملات واقعه نك مفسوخیتی مستلزم سبب قانونی یه مستند اولدیغندن اولبابده کی اعلام محکمه تمیزجه نقض ایدلماشدر .

شاهدلرک اصولی دائره سنده امر تحلیفاری اجرا قلمماش اولدینی کی متهملره تعیین قلنان لسان ترجمانک تحلیف ایدلدیکنک کوسترلماشی موجب نقض اسباب قانونیه دن اولغله اولبابده کی اعلامک تمیزأ نقضنه قرار ویرلماشدر .

مباشرلر اجزای محکمه دن اولمدقلردن ترجمان تعیین اولنه بیله جکلرینه مبنی بوکا دائر محکمه تمیزدن قرار آتی صادر اولمشدر .

هم متهمه و همده شهوده ترجمان تعیین قلنان محکمه مباشرینک اجزای محکمه دن اولوب بیطرف اوله میه جغنه و ترجمانانی حائر بولنه میه جغنه دائر بعض اعتراض سرد اولنمقده ایسه ده مباشرلرک اجزای محکمه دن معدود اولمادیغنی جهته اعتراض مذکورک تمیزأ ردینه قرار ویرلماشدر .

محکمه تمیز اعضاسندن

طلعت

استنطاقك صورت اجراسنه دائر بعض قواعد اساسيه

— اون سكرتري ندخدن مابعد —

۹۵ — مدعي عموميلرك وظائف قانونيه لر ينك اك مهملرندن بری ده قتل وبوكي جانيات عظيمه مشهوده وقوعنده درحال مأمورين لازمه يي بالاستصحاب محل جرمه بالذات عزيمت ايتلرندن عبارت اولوب بوبابده وظيفه لر ينك اهميت وقديستي وبويه برجرم مشهود خبر ويرايير ويرلز حتى مستطقي بيله بكمكسزين محل وقعه يه يشه بيلمسي ايچون قانونك امر ايتديكي استعجالده كي حكمتي هيچ بر زمان نظردن دور طوتمليدرلر غيبوت ايده جككري برويا ايكي كون ظرفنده دائره معاملاتنك وكالتله تدويري ممكن وقانوني اولوب بونده داعي محذور هيچ بر حال متصور اولماديكي جهته بوكي موانع وكثرت مشغوليت كي اسباب درميانيه وظائف قانونيه لر ينك اك مهم قسمي تشكيل ايدن جرائم مشهوده ده بالذات محال وقوعاته عزيمته اجرائي تحقيقات خصوصنده اصلا التزام قصور و تراخي ايتمليدرلر شايد مدعي عمومي ويا مستطقدن برينسك ياخسته لق وياديكر برجرم مشهودك تحقيقاته بولنق كي اسبابدن طولاني محل جرمه عزيمت ايده مدككري حالده ضبط ورقه سنك مقدماتنده بونلردن برينسك بولنه مامسني ايجاب ايتدين احوال تصریح ايدمليدركه اورا قك حين تدقيقنده اسباب موجب سني مأمورين عانده سنجه تعين ايتسون .

۹۶ — اكال تحقيقاته ادعائيه سني براي تنظيم اورا قك مستطقلكدن توديع اولنسي اوزرينه اورا قك كوزلجه تدقيق ايدرك تحقيقاتك مكمل اولديغي كورر ونقصان هيچ بر جهته قلمديغه واقف اولور ايسه اسباب موجب سيله واستناد ايدديكي مواد قانونيه نك ارئه سيله مفصل وموضح ومدلل بر ادعائيه تنظيم ايدرك اقتدار قانونيسي ودرجه مساعيسي فعلا اثبات وتحقيقاته نقصان لازم التعميق بعض جهاتي كوردديكي حالده ادعائيه سني تنظيم ايتيوب همان ونقصاني ارئه ايله لاجل الاكال اورا قك مستطقه اعاده ايتمكه مسارعت ايتليدر .

۹۷ — مأمورين عدليه دن مقدم محل وقعه يه عزيمت واجرائي تحقيقاته مباشرت ايدن ديكر ضابطه عدليه مأمورلرينك اولوقته قدر اجرا ايتمش اولدقلى تحقيقاتي كال اعتنا ايله بالمطالعه نقصان جهتلري هر حالده اكال ايديلهرك بعض قضا مدعي عمومي معاوني ومستطقلرينك معاملاتق وجهله نواقص اساسيه يي محتوي بوقيل تحقيقاته اكتفا وتعميق تحقيقات وكشفايتدن فراغت ايتاملي .

۹۸ — بر مظنونك توقيف معامله سني ده پك مهم واسباب موجب سيله مستند اولمق لازم كلديكندن اكر يتله كورلديكي وجهله مدعي عموميلر (موقوفاً تحقيقات اجراسني طاب ايدر) كي برعباره مبهمه ايله اكتفا ايتمهرك توقيف ادعائيه لر نده اسباب موجب سيله كوسترمليدرلر .

۹۹ — مستطقلك يواسر مقرراتي عليهنده درحال طرق قانونيه يه توسل خصوصنده اصلا آثار تراخي

كوستراملي وتحقيقاتك دوامی صره سنده تعميقی طلب ايتديكي بر جهتك مستطقلكجه ردی وقانونه مخالفتنه وحقوق عموميه يه درجه تأثيراته قناعت حاصل ايدديكي حالده درحال اعتراضه اصلاحی چاره سنه توسل ايتلي .

۱۰۰ — برجرمك فاعلي مجحول قالور ويا عندالتحقيقات مظنون اولمق اوزره حقنده تحقيقات اجرا اولان شخصك منع محاكمه سنه قرار ويريلرسه كيفيتدن ديكر ضابطه عدليه مأمورلري ده خبردار ايديلهرك فاعلي حقنده دلائل جديده استحصالی ايچون وسائط مقتضيه يه توسلدن كيرو طور ماملري ويا جرملك مرتكب حقيقتينك ظاهره اخراجك تأمینی اسبابي استكمال ايدمليدر . الويه يه ملحق قضا استنطاق دواثرندن قسماً جنباته لزوم وقسماً منع محاكمه لر ينه دائر صدور ايدن قرار واوراق متفرعه سنك هيأت اتهاميه نره براي سوق ولايت مركز بدايت مدعي عموميلر ليه لوا معاونلرينه ورودنده منع محاكمه يه تعلق ايدن قسمنك كمال دقتله بالتدقيق مخالف قانون برجهت كورر ومنع محاكمه قرارينك نقصاني تحقيقاته مستند اولديغي اكلا رسه درحال اعتراضه سني بالتعظيم اورا قيله برلكده مرجعه ارسال وموافق كوررسه شاين اعتراض برجهت كوريله مديكندن استنطاقنامه زيرلرينه اشارت ويا استئناف مدعي عموميلككرينه كوندره جككري تحرير اترده علاوه بيان ايتليدرلر .

۱۰۱ — جانيته اتهام ايديلان اشخاص حقنده مدعي عموميلكدن تنظيم قلمده اولان اتهامنامه يه مربوط شهود بوسيله سنده اساميسي كوستريلان اشخاصدن بر قسمي ذات جرمه وتقرعانه والحاصل حقيقت حالك تظاهر وتنويرنه خادم هيچ بر اقده سي اولماديكي حالده بوسيله اسمي درج وعلاوه ايدمكده وبو حال هم شاهدلره خرجراه اعطاسيله خزينه نك اضرا رينه همده بلا لزوم قضاي آخردن اولان اشخاصك جلب كي كاغذلره سببت ويرلمكده اولديغندن بعدما بوجهتك يالكلز كتيبه يه توديع كيفيته اكتفا ايديلهرك بالذات مدعي عموميلر ومعاونلري طرفندن ده نظارت ودقت اولمليدر .

۱۰۲ — مدعي عمومي ومعاونلردن يازريلان اعتراضنامه واستئناف وتميز استدعائيه لري بعضاً اسباب موجب دن عاري اولديغي جهته مخالف قانون عند ايديلان احوال هر نه دن عبارت ايسه يا استدعا نامه لر نده ويا اخيراً تنظيم ايده جككري لايحه لر نده يكان يكان ابضاح ايتليدرلر كرك بوقيل مستدعيات وكرك ضبط ورقه لر يه سائر معاملات ايچون سك عدليه موجود نمونه لر نده بالمراجعه اورا قك رسميه نك شكلا ده بر صورت منظمه ومطرده ده تحريري ومعاملاتنك حسن جرياني تأمين ايدمليدر . وعلى الخصوص بوقيل استدعائيه لر لرك اعطاسي تاريخي محكمه قلملرنجه دقار مخصوصه سنده قيد ومحكمه برنجي كاتبلري طرفندن اشارت وتصدیق جهتندن ذهول وقوعبولمده بوندن طولاني بر چوق استدعا نامه لر لرك ردينه سببت ويرلمكده اولديغندن اشبو قيد معامله سنده اعتنا اولمليدر .

۱۰۳ — في الواقع جرم مشهود وقوعنده محله بالعزيمه تحقيقات مقتضيه قانونيه نك اجراسيله موجود

اولان دلائلك ضبطى خصوصى اساساً مدعى عمومىله مستطقلره عائد ايسهده بونلرك بولنه مدقلىرى تقديرده اصول جزائيهك قرق التنجى مادهسى وجهله اشبو وظيفه سائر ضابطه عدليه مأمورلىرىنه و تخصيص برناحيهده ضابطه عدليهك الك بيوكى ديمك اولان ناحيه مديرينه ترنب ايتسسه وبالجملة ضابطه عدليه مأمورلىرىنك وظيفهلى جنايات وجنحه وقباحتلىرى تحرى ودلائلى جمع وضبط ايله متجاسرلىرى طوتوب متعلق اولدقلىرى محاكم جزائيه تسليم ايتمكدن عبارت اولسسه مبنى جرائمك ثبوتنه مدار اوله بيلهك اخبارات و ادلهلى حاوى مكمل صورتده ضبط ورقهلىرى بالتظيم مدعى عمومىلره اعطاسى لازمه دن اولدقلىرى حالده بعضىلىرى ناحيه مركزندن تباعدنده كويا برمحذور موجود اولدقلىرى سر رشته سيله ايشى ژاندارمه چاوشنه ويا پوليس مأموريله اونباشى به تركله وظيفهلىرىنك مهم اولان بوقسمنى هيچ بنسبه مدكلىرى اكثريتله واقع اولديغندن بعدما برجرم مشهود وقوعنده برطرفدن طوغرىدن طوغرى به مدعى عمومىلى واسطه سريعه ايله خبردار ايللىرى و ديكر طرفدن بلافاة وقت درحال بالذات محل وقوعيه عزيمتله وظيفه قانونيلىرى اجرا خصوصنده التزام سرعت ايتلىرى و چونكه تلغرافك وصوليله مركزدن مأمورين عدليهك بش آتلى و بلكه سكز اون ساعت قدر ودها زياده برمسافهلى قطعه محل وقوعيه مواصلتلىرىنه دكين آردن بر و بلكه ايكي كون كچمكه اولديغندن واولوقه قدر آثارجرم كاملاً ويا قسماً نحو وزائل اوماش و دلائل قانونيهك شكل و ماهيتلىرى تغيير و اخلا ايدلمش وجرمك وقوعيله اهالى اوزرندهكى تأثيرات ماديه و معنويه بدرجه به قدر كسب سكونت ايدرك وقوعه دن معلوماتى اولانلر دخى تأثيرات و تسويلايه قابللىرىلر عدم معلومات صدنده بولنه جقلىرى و شوا حالده حقوق عموميه و شخصيه به يك چوق ضايعات وقوعه سببيت ويرمكه اولدقلىرى امثاليه مثبت و ضابطه عدليه صفتى حائز اولانلرك تكاسلارى ويا سوء استعمالاتى وقوعنده بوصفتلىرى اعتباريله محاكمه لىرىنك ده محاكم نظاميه ده رؤيتى لوازم قانونيه دن بولنش اولسسه و اصول محاكمات جزائيه قانونك ۲۴۱ نجى ماده سنده كوسترلىكى اوزره ضابطه عدليه مأمورلىرىنك كافهسى محكمه استينافيه مدعى عمومىسنىك تحت نظارتنده اولوب اصول مذكورك طبقوزنجى مادهسى حكمنجه محاكمه تملق اولان اداره مأمورلىرى دخى مأموريتلىرىنك عدليه جهتيجه كذلك محكمه استينافيه مدعى عمومىسنىك نظارتنده اوله جنى و ضابطه عدليه مأمورلىرىنك و مستطقلرك امور مأموره لرنجه قصور و تكاسلارى وقوعنده مدعى عمومىلىكجه حقارنده نهكى تدابير و وسائل قانونيه به مراجعت ايديله چكى ده اصول مذكورك ۲۴۲ نجى و ۲۴۳ و ۲۴۴ نجى ماده لرنده صراحة مسطور بولنسه كوره مستطقلر و ناحيه مديرلى ايله سائر ضابطه عدليه مأمورلىرى ده بوكى احوالده وظائف مكلفه قانونيلىرى ايفاده ذرتما قصور كوسترماكه غيرت ايتملىرلر برناحيه داخلنده وقوعبولان برجرم مشهوددن طولاي مأمورين عدليهك محل وقوعيه عزيمتلىرى ويا اورا ك تدقيقنده وظيفه دار اولان مأمورينك بوباده قصور و تكاسلارىنى كوردكجه پيدىرى استيناف مدعى عمومىلىكلىرىنه اعطاي معلومات ايتملىرلر .

(مابدى وار)

باش مدعى عمومى باش معاونى

مظهر

[۱۹] نومرولى جريدة عدليه محتوياتى

— قسم رسمى —

صيفه
نومرولى

- توجيهات عدليه — ۷۶۷
- موقت ماده قانونيه — ۷۶۹
- محكمه تميز هيئت عموميه مقرراتى — (۱) وعد ازدواجه ازاله بكر دعوا لرنده مرور زمانك مبدائى حقنده ۷۶۹
- (۲) حقنده مشاهدويه مستند براخبار وقوع بوليان شخصك فاعل مشترك
- عد ايدلىسى مستلزم نقض اولديغنه دائر ۷۷۱
- (۳) هيئت حاكمه به تبدل وقوع بولدينى حالده ضبط سابقك قرائت ايدلىسى لزومنه دائر ۷۷۳
- محكمه تميز استعدا ادرسى مقرراتى — (۱) ضبط ورقه سنده امضالرى بولنان كسانك حضور محكمه دهكى بيانلىرى ايله مذكور ورقه مندرجاتى ببنفده مياينت بولندينى حالده تنظيم ايدن مأمور ايله مواجهه لىرىنك اجراسى لازم كلديكته دائر ۷۷۴
- (۲) تدقيقات تميزيه اجراسى ايچون اعلامك ويا خود هيئتكم امضاسى
- حاوى ضبط ورقه سنك مربوط بولنسى لزومنه دائر ۷۷۶
- (۲) محكمه استينافيه مقررات ابتدائيه فسخ و تعديل ايدلىكى حالده تكرير محاكمه به لزوم اولما ديغنه دائر ۷۷۶
- (۴) هيئت حاكمهك تقدير شهادات امرندهكى حق قانونيسى شهودك حضور محكمه ده استماع ايدلمش اولسى قيديله مشروط ايدوكته دائر ۷۷۹
- (۵) ضبط ورقه لىرىنك مشاهدويه مستند براخبارى متضمن اولسى لازم اولديغنه دائر ۱۸۰
- (۶) مرور زمان مسائلنده مبداء ومنتها تاريخلىرىنك شهورعربيه ايله قرار بولنده كوسترلىسى اقتضا ايتديكنه دائر ۷۸۱
- (۷) اعلام غيايبى محكوم عليه تبليغ ايدلمش اولور ويا خود حكمتك اجرا سندن خبردار اولما زسه مرور زمان مدتك انقضاسنه قدر اعتراض استعداسنىك قبول ايديله چكته دائر ۷۸۳
- محكمه تميز حقوق دائره سى مقرراتى — (۱) قابل استيناف اولان برحمتك اعاده محاكمه ايديله ميه چكته دائر ۷۸۵
- (۲) قابل استيناف اولدينى حالده استيناف ايديله رك تميز ايدلان اعلام ابتدائى نقض اولاندقندن صكره محكمه بدايجه بتكرار جريان ايدن محاكمه نيجه سنده ويرلان حكمتك قابليت استينافيه سى اولديغنه دائر ۱۸۶
- (۳) شرطه معاق كفالنده شرطك تحققي انقضاء كفالنده لازم اولديغنه دائر ۷۸۸
- (۴) اعلامى كسب قطعيت ايدن بردهوانك تكرار رؤيتى جائز اولما ديغنه دائر ۷۸۹
- (۵) ثبوت وكالته دائر اولان جت شرعيهك موافق اصول اولوب اولما ديغتك تدقيق فواخانه ايله مجلس تدقيقات شرعيه عائد و طاشندن اولديغنه دائر ۷۹۰

- محكمة تميز جزا دائره سي مقرراتي — (۱) متهم ايله مقتول آره سنده كي عداوتك تحققي وتعيين جزا حقنده مدافعه نك
استماع اولتماسي مستلزم نقض اسبابدن اولديغنه دأثر ۷۹۲
- (۲) معنای شهيدك نه صورتله استنباط قلنديني حقنده اسباب موجب نك
مجرميت قرارنده تماميله توضيح اولتماسي نقض حكمي مستلزم اولديغنه دأثر ۷۹۵
- (۳) نقض اولنان براءلامده نقطه نقضدن صكره كي معاملات كاظم ليكن
حكمنده اولديغنه دأثر ۷۹۵

— قسم غير رسمي —

- المصول استماع دعوى « مابعد »
اسباب نقضيه « مابعد »
استئنافك صورت اجرا سنده دأثر بعض قواعد اساسيه « مابعد »
باش مدعى عمومى باش معاوفى مظهر »
جزا اعضاسندن طلعت »
باش مدعى عمومى باش معاوفى مظهر »

— قسم رسمي —

- المصول استماع دعوى « مابعد »
اسباب نقضيه « مابعد »
استئنافك صورت اجرا سنده دأثر بعض قواعد اساسيه « مابعد »
باش مدعى عمومى باش معاوفى مظهر »
جزا اعضاسندن طلعت »
باش مدعى عمومى باش معاوفى مظهر »

استئناف

كندی خانه سنى قصداً احراق ايتديكي ادعاسندن طولاي مظنون عليه اولوب هيئت اتهاميه جه جنائتله
اتهام اولنه رق حقنده اخذ وكرفت امرى ویرلمش اولان مقررى كوينه تابع ليتروس قريه سنده مقیم ايتاليا
دولت فخيমে سى تبعه سندن ولا فونسه ير قومپانياسى يازيخيلردن اشكالى غير مضبوط فرايحتوا خليا طونى اليوم
اثبات وجود ايتمه مش اولديغندن اصول محاكات جزائيه قانوننك اوچيوز يتمش برنجى ماده سى موجبجه
محكمه كسى ايچون اشبو تاريخندن اعتباراً جانب رياستدن مجدداً اون كون مهل ویرلمكه اشبو مدت ظرفنده
كديكي حالده كندوسنه قانونه اطاعت ايتمه مش نظريه باقيه رق محاكمه سنك غياباً بالرؤيه حقوق مدنيه دن
اسقاط واموالى حيز اولنه جغنى وبواننده بر كونه دعوى اقامه سنده حق اوله ميه جغنى وعلينده دعوايه قيام
ايديله چكى كى بولندينى محلى بيلنلرك خبر ویرمكه وبالجملة ضابطه عدليه مأمورلرينك كندوسنى در دست ايتمه
مجبور اولدقلىرى مین اشبو قرار نامه اصول محاكات جزائيه قانوننك اوچيوز يتمش ايكنجى ماده سندن
استنباط اولنان احكامه توفيقاً تنظيم ومعامله حيزيه حقنده تبليغات مقتضيه سنك اجرا وسائر معاملات ايضا
اولنق ايچون نسخه كافي سى مدعى عموميلكه توديع قلندينى اعلان اولنور .

نيقويه فعل شنيع اجرا ايتسندن طولاي مظنون عليه اولوب هيئت اتهاميه جه جنائتله اتهام اولنه رق
حقنده اخذ وكرفت امرى ویرلمش اولان بك اوغلنده پاراپلاس آرقه سنده ياشمق حيران جاده سنده سكر
نومرولى خانه ده ساكن ترزى اصنافندن واسيل اوغلى نيقو اليوم اثبات وجود ايتمه مش اولديغندن اصول
محاكات جزائيه قانوننك اوچيوز يتمش برنجى ماده سى موجبجه محكمه كسى ايچون اشبو تاريخندن اعتباراً
جانب رياستدن مجدداً اون كون مهل ویرلمكه اشبو مدت ظرفنده كديكي حالده كندوسنه قانونه اطاعت
ايتمه مش نظريه باقيه رق محاكمه سنك غياباً بالرؤيه حقوق مدنيه دن اسقاط واموالى حيز اولنه جغنى وبواننده
بر كونه دعوى اقامه سنده حق اوله ميه جغنى وعلينده دعوايه قيام ايديله چكى كى بولندينى محلى بيلنلرك خبر
ویرمكه وبالجملة ضابطه عدليه مأمورلرينك كندوسنى در دست ايتمه مجبور اولدقلىرى مین اشبو قرار نامه
اصول محاكات جزائيه قانوننك اوچيوز يتمش ايكنجى ماده سندن استنباط اولنان احكامه توفيقاً تنظيم ومعامله
حيزيه حقنده تبليغات مقتضيه سنك اجرا وسائر معاملات ايضا اولنق ايچون نسخه كافي سى مدعى عموميلكه
توديع قلندينى اعلان اولنور .

غصب ماده سندن طولانی مظنون علیه اولان و هیئت اتهامیه دن غیباً جنایتله اتهام ایدیلن قراری کوتانک
کچی دره قریه سندن صاغر عثمان اوغلی اورته بویلی قره قاش و کوزلی عادتاً برون واغز و چکه مطروش رفعت
الآن اله کچوریه مدیکندن اصول محاکات جزائییه قانون موقتک ۳۷۷ نجی ماده سی حکمنه توفیقاً قانونه
اطاعتله محکمه یه کلمک اوزره اشبو تاریخدن اعتباراً طرف ریاستدن فراری مرقومه اون کون مساعده ویرلش
اولغله مدت مذ کوره ظرفنده محکمه یه کلمدیکی حالدله قانونه اطاعت ایتماش نظریله باقیله رق محاکمه غیاییه سی
بالاجرا حقوق مدنیهدن اسقاط اولنه جق مثللو اموالی دخی حجز ایدیله جکی و بوا ائنده برکونه دعوایه حق
اوله میه جنی و مرقومک بولندینی محلی بیلنلر خبر ویرمکه و بالجله ضابطه عدلیه مأمورلرینک دخی مرقوم رفعتی
اخذ و کرفت ایتمکه مجبور اولدقلری و مرقوم حقنده درسعادت هیئت اتهامیه سندن اخذ و کرفت امری اعطا
قلنمش اولدینی بیانیه اعلان کیفیت اولنور .

بیغا قضیه سنک جامع کیر محله سندن وژاندارمه نفرانندن مجید اوغلی اون سکیز یاشلرنده و جنت موقیه
مبتلا اولان صالحه خال جنت اوزرنده ایکن فعل شنیع اجرا ایدیلکی ادعاسیله جنایتله متهم اولان بیغانک
حمیدیه محله سی اهالی سندن ایکن وقعه یی متعاقب فرار ایتمش اولان و اوصاف و اشکالی غیر مضبوط بولنان
روم ایدیلی راشد اوغلی بحرینک الان در دست ایدیله مامش اولدیغندن تاریخ اعلاندن اعتباراً جانب ریاستدن
کندوسنه مجدداً اون کون مهل اعطا قلنمشدر مهل معین ظرفنده مرقوم محکمه یه کلمدیکی حالدله قانونه
اطاعت ایتماش نظریله باقیله رق محاکمه سی غیباً بالاجرا حقوق مدنیهدن اسقاط قلنه جنی و علیهنده دعوایه
قیام اولنه جنی و بوا صروده کندوسنک برکونا ادعایه حق اوله میه جنی و اموالک حجز الته الیه جنی و بالجله
ضابطه عدلیه مأمورلرینک کندوسنی طومغه مجبور بولندقلری کبی معاملات حجزیه حقنده دخی مدعی عمومیلکه
تبلیغات اجرا ایدیلکی جهته اصول محاکات جزائییه قانوننک اوچیوز یتش بر و اوچیوز یتش ایکننجی
ماده لرندن استنباط اولنان احکامه توفیقاً اشبو قرار نامه بالتنظیم اعلان اولنور .

بیک اوچیوز یکرمی بش سنه سی حزراننک ایکننجی صالی کیجه سی قلعه سلطانیه رژی قولجی باشیسی
عثمان اغایی جرح و قتل ایتدیکی ادعاسیله مظنون علیه اولوب غقیب و قمرده فرار ایدرک الآن وادی فرارده
بولنان پزرین سنجاغنه تابع لومه قضالی ارنبودادم جنایتله اتهام ایدلش اولدیغندن مرقوم ادمک قانونه اطاعتله
محکمه یه کلمی ایچون اجانب ریاستدن کندوسنه مجدداً اون کون مهل ویرلش اولدیغندن مهل مذ کور ظرفنده
مرقوم اجابت ایتمدیکی حالدله قانونه اطاعت ایتماش نظریله باقیله رق محاکمه سی غیباً بالاجرا حقوق مدنیهدن
اسقاط و اموالی حجز اولنه جنی کبی بوبابده برکونا ادعایه حق اوله میه جنی و مرقومک بولندینی محلی بیلنلر خبر
ویرمکه و بالجله ضابطه عدلیه مأمورلرینک مرقومی در دست ایتمکه مجبور بولندقلری کبی معاملات حجزیه حقنده

دخی مدعی عمومیلکه ده تبلیغات اجرا ایدیلکی جهته اصول محاکات جزائییه قانوننک اوچیوز یتش بر
و اوچیوز یتش ایکننجی ماده لرندن استنباط اولنان احکامه توفیقاً اشبو قرار نامه بالتنظیم اعلان اولنور .

محمود پاشاده چورابچی خان قارشوسنده واقع حاجو پولو خان التنده کی مغازه ده ساکن م . به سو
و شرکاسنک ۲۶ اغستوس سنه ۳۲۶ تاریخندن اعتباراً اعلان افلاسنه و مصالح افلاسیه نک رؤیت و تسویه سی
ضمننده اعضای محاکدن بدروس قره یان افندی ژور قومیسر و دعوی وکیللرندن شکیب و مارقو ناخوم
افندیلرینک موقت سنديک تعیینلرینه و مغازه سیله دپولرنده کی اموال تجاریه و اشیای زائده بیتیه سنک تمهیرینه
و اوراق و دفاترینک جلبنه و کفالت مصدقه اراءه ایده مدیکی تقدیرده حبس و توقیفنه و بوبابده کی قرارک موقه
اجراسنه تجارت بحریه محکمه سندن قرار ویرلش اولدیغندن قانوننامه تجارتک یوزیتمشنجی ماده سی موجبنه
دائی سنديکلری انتخاب اولنق اوزره اصحاب مطلوبک اشبو بیک اوچیوز یکرمی التی سنه سی ایلونک اون
برنجی جمعه ایرتسی کونی ساعت یدی راده لرنده محکمه نک افلاس معاملاتنه مخصوص اوطه سنه کلری لزومی
اعلان اولنور .

بالت عثمانیک رائف اغا زاده حسین بک ذمتنده محکمه تجارت بحریه اعلامیه محکوم به مطلوبی اولان
مبالغک تأمین تسویه سیچون قاسم پاشاده جامع کیر محله سنده مدرسه زقاغنده ایکی نومرولی خانه و فوقنده
کائن اون براوطه و مشتملات سائرده یی حاوی درت نومرولی کارکیر اینیه و طقوز و اون اونبر نومرولی عرصه لر
ایله اون اوج نومرولی قویو محلی و بری اون بش نومرولی ایکی کهنه اوطه یی و دیگرکی اون یدی نومرولی
اوج اوطه و مشتملات سائرده یی حاوی ایکی باب اخشاب خانه و یکرمی طقوز نومرولی قادینلره مخصوص
حمام قپوسنی مشتمل محل مذ کورده یمه نیچیلر جاده سنده یکرمی التی نومرولی حمام ملکله دروننده
مستقر کدکه مدیون مومی الیهک متصرف اولدینی ربع حصه لرله قاضی قریه سنده عثمان اغا محله سنده سکودلی
چشمه جاده سنده مقدما مکرر طقسان اوج نومرولی عرصه و الیوم یوز نومرو ایله مرقم ایکی سالون یدی
اوطه بر مطبخ و ایکی کیلار بر صهرنج و بر قیو و بر مقدار باغچه و تحتنده « ۹۹ » نومرولی بقال دکانی
و مشتملات سائرده یی حاوی شهری بش بیچق لیرا ایجار کتورر کارکیر بر باب خانه تمامی وینه مذ کور محله
حمام زقاغنده اون طقوز نومرو ایله مرقم اودونلق محلی و مشتملات سائرده یی حاوی سکودلی چشمه
جاده سنده قرق ایکی نومرولی حمام ملکله دروننده مستقر کدکه نصف حصه لری بوندن اقدام موقع مزایده
قونیلهرق عثمانلی لیراسی یوزغروش حسابیه قاسم پاشاده حمام و مشتملاتنک ربع حصه سی ۲۵۰۰۰ وینه محل
مذ کورده کارکیر قهوه خانه و اوطه لر ربع حصه سی ۷۵۰۰ و قاضی قریه سنده حمام و مشتملاتی نصف حصه سی
۲۰۰۰۰ و مع دکان خانه تمامی « ۳۰۰۰۰ » غرو شده طالبی عهده سنده قالمش و اشبو اغستوس رومینک
۲۶ نجی صالی کونندن اعتباراً اوتوز بر کون ظرفنده یوزده بش ضم قبول اولنمی مقرر بولنمش اولغله

یوزده بش ضمیله اشترايه طالب اولانلرك و دهها زیاده معلومات الموق ایستیانلرك بدل مزایدك عشرینه مساوی بی اچمه سیله برابر مدت مذبورہ ظرفندہ محکمہ تجارت اجرا دائرہ سنہ مراجعت ایلمری وقاسم پاشادہ کائن اولاك حصہ سنك اشترا سنہ طالب اولنلرك ایلول رومینك ۲۵ نجی جمعہ ایرتسی ساعت دیدن طقوزہ قدر وقاضی قریہ سنده کی حمام و خانہ حصہ لرینہ طالب اولانلرك ۲۶ نجی بازار کونی کذا ساعت دیدن طقوزہ قدر وفرداسی کونی دخی تجارت اجرا دائرہ سنده ساعت التیدن طقوزہ قدر حاضر بولنلری دائرہ مذکورہ دن اعلان اولنور .

مرکز اداره سی در سعادتہ مصطفی پاشا خاندنہ وشعبہ سی بیله جکده مانیفاطورہ چارشوسنہ بولنسان ستراق وارمناق مانوقیان شرکتك ۱۷ اغستوس سنہ ۳۲۶ تاریخدن اعتباراً اعلان افلاسنہ ومصالح افلاسیہ سنك رؤیت وتسویہ سی ضمنندہ اعضا محکمہ دن قرہ یان بدروس افندینك ژوز قومیسر ودعوی وکیللرندن میخالاک نیقولاییدی وموسس فکری افندیلرك موقت سنديك تعیینلرینہ ومغازہ سیله دپولرنده کی اموال تجاریہ واشیای زائدہ بیتہ سنك تمہیرینہ واوراق ودفاترینك جلبنہ وكفالت مصدقہ ارانہ ایدہ مدیکي تقدیردہ حبس وتوقیفنہ وبوبایدہ کی قرارك موقہ اجرا سنہ تجارت بحریہ محکمہ سندن قرار ویرلش اولدیغندن قانوننامہ تجارتك یوز یتشنجی مادہ سی موجبجہ دائمی سندیکلری انتخاب اولنق اوزرہ اصحاب مطلوبك اشجو بیک اوچوز یکر می الی سنہ سی ایلولنك سکنزنجی چهارشنبہ کونی ساعت یدی رادہ لرنده محکمہ نك افلاس معاملاتنہ مخصوص اوطہ سنہ کلری لزومی اعلان اولنور .

فرح افندی زاده محمد نورالدین بکك حق افندی یه اولان دینندن طولای مدیون مومی الیهك عہدہ سنده بولنان سودلیجہ دہ محمود اغا محلہ سنہ قرہ اغاج جادہ سنده یکر می سکنز نومرولی بوستانك یوز یکر می ۳۳ اعتباریلہ الی سہم کدکك تاریخ اعلانندن اعتباراً اون بش کون صکرہ بالمزایدہ فروختنہ تشبث اولنہ جی در سعادت اعلامات نظامیہ اجرا دائرہ سنندن اعلان اولنور .

متوفی قرہ بت قورابیان ورثہ سنك مادام ملینا کودوکیان ذمتندہ کی مطلوب محکوم بہنك استیفاسی ضمنندہ مدیونہ مزبورہ نك عہدہ تصرفندہ اولوب اخری نامنہ وفاء مرہون اولان وبدل رهنك فضلہ سنہ شامل اولق اوزرہ تحت حجزہ النان بك اوغلندہ پانغالیتیدہ ایجادیہ زقاغندہ ایکی ودرت نومرولی اپارتمانده کی نصف حصہ شایعہ سنك تاریخ اعلانندن اعتباراً اون بش کون صکرہ بالمزایدہ فروختنہ تشبث اولنہ جی دائرہ مذکورہ دن اعلان اولنور .

انکلترہ دولتی تبعہ سنندن موسیو سیدنہی نوویل وشرکاسنك قوری چشمہ دہ مستأجر آ بلا نومرو خانہ دہ ساکن ایکن الیوم اقامتکاهی مجهول اولوب مقدما شورای دولت مالیه دائرہ سی خلفاغلندہ بولنمش

اولان عونى بك عليهنه اقامه ايلديكى مطلوبات دعواسى اوزرينه غياباً رؤيت ايديلان محاکمہ نتیجہ سنده قرق ایکی عدد واوچ چاریك عثمانلی لیراسنك مدعی علیہ مومی الیه عونى بکدن تحصيلنہ دائر در سعادت محکمہ تجارت برنجی مجلسندن غياباً صادر اولان فى ۴ اغستوس سنہ ۳۲۶ تاریخلی و ۲۳۰ نومرولو اعلام غیابینك صورت مصدقہ سی محکوم علیہ مومی الیهك اقامتکاهنك مجهول بولندینی قوری چشمہ قریہ سی امامی افندی طرفدن تبلیغ علم وخبری زیرینہ یازلش اولان شرحدن اکلاشلش اولسنہ منی اصول محاکمہ تجارت نظامنامہ سنك یکرمنجی مادہ سنك دردنجی فقرہ سی حکمنہ توفیقاً طرفنہ تبلیغ اولنمش عد اولنق اوزرہ محکمہ دیوانخانہ سنہ تعلیق اولندینی کبی غزتلرلہ دخی نشر واعلان اولنور .

استانبولدہ کویرلی خانده اون نومروده مقیم یانی ولد پایا ارکینك بك اوغلندہ بالق بازارندہ اون الی نومرولی خانده ساکنہ دیمتری زوجہ سی قالیوپی طرفندن کویا کندوسنہ الہجفی اولان طقسان لیرانك تأمین استیفاسی ضمنندہ فری قریہ سنده طاطاوله جادہ سنده متصرف اولدینی یوز اون اوچ نومرولی بر قطعہ عرصہ ۱۵ کانون نانی سنہ ۹۸ تاریخندہ اشبو محکمہ قراریلہ ایکی سنہ صکرہ مقاولات محرلکی طرفندن معاملہ تصدیجہ سی بعدالاجرا تحت حجزہ التمش ایسده تصدیق طلب اولدیغندن حجز موضوعك فکی حقسنده اقامہ ایلدیکی دعوانك اعلاناً واقع اولان تبلیغات اوزرینہ اجابت ایتیان مدعی علیہك بر موجب طلب غیابندہ اجرا قلنان محاکمہ نتیجہ سنده مذکور عرصہ یه مزبورہ قالیوپی طرفندن وضع اولنان حجزك فکتنہ قرار ویرلهرك اولبایدہ صادر اولان ۱۵ اغستوس سنہ ۳۲۶ تاریخلی و ۸۷۸ عددلی اعلام غیابینك صورت مصدقہ سی اصول محاکمہ حقوقیہ قانوننك یکر می التنجی مادہ سنك فقرہ اخیرہ سی حکمنہ توفیقاً تبلیغ عد اولنق اوزرہ محکمہ دیوانخانہ سنہ تعلیق اولندینی کبی اوراق حوادثلہ دخی اعلان کیفیتہ ابتدار قلندی .

چارشوی کیرده قالیاقیلر باشنده تخافیه تجارتیلہ اشتغال ایتکده ایکن تجارت بحریہ محکمہ سنندن افلاسنہ حکم اولنمش اولان محمد ضیا افندینك ذمتندہ آلهجفی اثبات ویا موقتاً قبول وقید ایتدیرمش اولان آلهجقوللرك قانوننامہ تجارتك ۲۱۱ و آنی ولی ایدن مادہ سی موجبجہ مفاس طرفندن تکلیف اولنہ جق قونفوردانونك مذاکرہ سی ایچسون شهر حال رومینك یکر می التنجی پنجشنبہ کونی ساعت یدیده محکمہ مذکورہ نك افلاس اوطہ سنہ کلری اعلان اولنور .

حادم قریہ سنده خورشید آغا زوجہ سی حدیجہ خانمک قریہ مرقومہ لی ملا عثمان اوغلی خلیل اغا ذمتندہ بااعلام الاجفی اولان مبالغت تأمین استیفاسی ضمنندہ مدیون مرقومك ملک متصرفی بولندینی محجوز قریہ دروننده ایکی دویم بر قطعہ عرصہ سی ایکوز غروشدہ طالبی اوزرنده تقرایدوب موقتاً قرارداده سی کشیده

قلمش اولديغندن يوزده بش ضميله طالب اولانلرك في سورمك ودها زياده معلومات الموق اوزره اشوتاريخ
اعلانن اوتوز بر كون ظرفنده چتالجه اجرا دائره سنه مراجعت ايتملري اعلان اولنور .

در سعادته ميوه خشكده مقيم تجارندن نيغولا كي طور سونيدى افنديك مقدما داريجه قريه سنده نيكنه
مجلسنده مقيم ايكن اليوم اقامتگاهي ومحل سكناسي مجهول بولنان اوستول قوقوني عليهنه ككبوزه بدايت
تجارت محكمه سنده اقامه ايلديكي ليراي عثمان يوز سكز غروش حسابيله التي بيك سكز يوز طقسان بش
غروشك تحصيلي دعواسنك شهر تشرين اولك يكرمي ينجي چهارشنبه كوني ساعت بش راده لرند محاكمه -
لرينك اجراسي قرارلشديرلش اولغله يوم ووقت مذ كورده محكمه يه بالذات كلديكي ومصدق سندله بروكيل
كوندرمديكي حالده اصول محاكمات حقوقيه قانوننك يكرمي التنجي ماده سنك فقره اخيره سي موجبجه حقنده
مدعينك طليله معامله غيايه اجرا قلنه جني واوبل سابه كي دعوتيه ورقه سي ايله استدعاناك صورتى محاكمه
ديوانخانه سنه تعليق اولنديني اعلان اولنور .

اولياد قادينك در سعادته فنارده عبدى صوباشي مجلسنده كي اردك مسكرات مغازه سنده مستخدم اردكي
اوستولا كي قسطنطينيدى افدى ذمتنده الاجبي اولان معلوم المقدار مبالغك تأمين استيفاسي ضمتنده مرقومك
والده سي پلومي عهده سنده اولوب وقوع وفاتيله مرقومه انتقال ايتسي لازمكلان ومقدما تحت حجزه النان
اردكك آياندريا نام مجلسه معلوم الحدود اوتوز دونم زيتونلكي واللي بش دونم ماندره سي ويته او موقعه
يكرمي بش دونم زيتونلكي وبش دونم باغ وترلاسي واوچ دونم زيتونلكي وكذلك ايكي دونم زيتونلكي
واون بش دونم ترلا وزيتونلكي وايكي دونم ديكر زيتونلكلريكي جمعاً طقوز پارچه زيتونلك وترلا وباغ
وماندره سنك تاريخ اعلانن اعتباراً اون بش كون صكره اردك اجرا دائره سنجه بالمزايده فروخته تشبث
اولنه جني اعلان اولنور .

بقال نيغولي اغانك خليل افدى ذمتنده محكوم به مطلوبى اولان مبالغ معلومه نك تأمين استيفاسي ضمتنده
مديون مومى اليك فريكوينده كائن خانه سنده تحت حجزه النان باقر مغال وبرعد قاريوله وبرچفت لامبه
ودرت عدد باقر صحن وبرعد قونصول ساعتى وبري پاموق ديكرى يوك شيلته شهر ايلولك دردنچي جمعه
ايرتسي كوني فريكوينده جامع اوكي ميداننده ساعث بش راده لرند بالمزايده فروخت اولنه جغندن طالب
اولنلر يوم ووقت مذ كورده مامورى مواجهه سنده حاضر بولملري اعلان اولنور .

سرى بكك حاليچي حسين اغايه بك اوغلى بدايت محكمه سي ايكنجى حقوق دائره سنك بر قطعه اعلاميله
محكوم به ديني اولان مبالغ معلومه نك تأمين تحصيل وتسويه سي ضمتنده فندقليده منلا چلي مجلسنده طولنه

بغچه جاده سنده قاضيسكر منلا چلي وقفندن يوز بش نومرولى خانه تحتنده كائن يوز يدى نومرولى دكانده
انتقالاً متصرف اولديني برلك حصه شايه سي تحت حجزه النهرق تاريخ اعلانن اعتباراً اون بش كون
صكره بالمزايده فروخت اولنه جغندن طالب اولانلرك ومعلومات مفصله الموق ايستيانلرك بك اوغلى اجرا
دائره سنه مراجعت ايتملري دائره مذ كورده دن اعلان اولنور .

موسيو فوجينونك سابق ديوان حرب مدعى عموميسي رشيد افدى ذمتنده محكوم به مطلوبى بولنان مبالغ
معلومه نك تأمين تسويه سي ايچون مديون مومى اليك محجوز اولوب فروختي مقرر بولنان بوستانچي باشي
مجلسنده سرونياز طريقنده متصرف اولديني سكز نومرو ايله مرقم حريم وسلاماق قسملري حاوي يكرمي
بش اوطة ويدى كيير سالون وقالوريفرلى حمام واوچ كيلار وداخل وخارج چاشورلق حريم وسلاماق طرفلرينه
مخصوص ايكي مطبخ وهر طرفنده قالوريفر وهر قانده قومپانيه صويني على التخمين اوتوز بش دونم اراضى
وبش دونم مقدار كروم مغروسه يي كستانه وچينار ميشه وچام قورولقلريني وانواع اشجار مشمره وغير مشمره يي
محتوى ودرتيوز مترو طولنده ريختيم وايكي بيوك بوستان قيوستى ومتعدد بكجي اوطة لرني وبركار كير صو
خزينه سي والقي چفت حيوان استيعاب ايدر آخور وآرابه لني واينك آخور لرني ومشمولات سائره يي حاوي
بر باب كوشك اغستوس رومينك اوتوزنجي صالى كونندن اعتباراً اون بش كون صكره موقع مزايده
وضع ايديله جكندن اشتراسنه طالب اولانلرك ودها زياده معلومات الموق ايستيانلرك محكمه تجارت اجرا
دائره سنه مراجعت ايلملري دائره مذ كورده دن اعلان اولنور .

يانجى مصطفى كمال افدى يه اولان دين محكوم نك مع فائض ومصارف محاكمه تأمين تسويه سيچون
فاكليجه قريه سنده چبوقلى جاده سنده عتيق اللى وجديد ايك يوز قرق اوچ نومرو ايله مرقم اوچ اوطة يي
مشمول تخميناً ايكي يوز اللى غروش ايجار كتورر بر باب سميدجى فرونى كد كنده اوتوز ايكي بچق سهند
مديون احمد اوسطه يه عائد ثلث حصه شايه سنك فروختي تحت قراره النش اولديغندن بر موجب قرار
حصه مذ كوره اغستوس رومينك ۱۷ نجى صالى كونندن اعتباراً اون بش كون صكره موقع مزايده
وضع ايديله جكندن اشتراسنه طالب اولانلرك ودها زياده معلومات الموق ايستيانلرك محكمه تجارت اجرا
دائره سنه مراجعت ايلملري دائره مذ كورده دن اعلان اولنور .

